



t 021



禪林類聚 貞

1-25
4-3

昭和17.9.1.
Y63759



禪林類聚四之目錄

第十六 法器 槌拂 數珠 餅錫 杖笠 鏡扇

第十七 器用 刀劍 弓箭 骨董

第十八 糧食 齋粥 餠餅 五味 茶湯

摘茶附 蔬菜

第十九 田地 草木 竹附 花果 香燈 搬掃 柴薪



西明寺什物



禪林類聚四之目錄

第十六 法器 槌拂 數珠 餅錫 杖笠 鏡扇

第十七 器用 刀劍 弓箭 骨董

第十八 糧食 齋粥 餬餅 五味 茶湯

摘茶附 蔬菜

第十九 田地 草木 竹附 花果 香燈 搬掃 柴薪

西明寺什物



第二十 獅子像 龍虎 牛鹿 猫犬 龜魚

鬼蛇飛走

禪林類聚卷第四

法器 搥拂 數珠

鉢 鐺 錫 杖笠 鏡扇

百丈海禪師因普請鋤地次有一僧舉起鋤頭忽聞鼓鳴

乃拋下大笑便歸師云俊哉此是觀音入理之門歸院乃

喚其僧問適來見甚麼道理便與麼云適來肚飢聞鼓聲

歸喫飯去師乃笑鴻山一日見火頭聞木魚聲放下火

抄拊掌大笑酬詰同前香嚴錄亦有此者不收

東使云當時鴻山會裏無一人笑卧龍云當時鴻山會

裏有一人笑人市語

水庵一頌云孰云意在鑊頭邊一擊圓通徹大千大笑

低頭歸去後飢餐且莫與人傳

普化憐師居常入市振鐸云明頭來明頭打暗頭來暗頭打四方八面來旋風打虛空來連架打一日臨濟令僧捉住云或遇不明不暗來時如何師托開云來日大悲院裏有齋僧四舉似濟濟云我從來疑著這漢

五祖演云若是五祖即不然有人問總不恁麼來時如何和聲便打是他須道五祖盲枷瞎棒我只要你恁麼道何故一任舉似諸方破庵先云這風顛漢不妨令人疑著及至被人窮詰將來却只道得箇羅齋打供也似熟處難忘若是廣壽即不然待他道總不恁麼來時如何便與攔臂扭住云道道若是皮下有血管取價增十倍

大汾陽昭頌云老倒分明兩路差箭鋒相拄勿啗斜龍蛇混雜人難辨白日長空下雪花海印信云明暗俱打誇無上擒住方知無伎倆伎倆無亂稱呼至今誰解辨肯虛佛智裕云高堂公子醉雙陸亂撒明珠發異光一擲輸贏誰辨得蒲盤骰子不成雙鼓山珪云樓羅須要逞聰明金榜何曾得掛名捋下幞頭歸去好莫騎驢子傍人門

曹山本寂禪師聞鐘聲乃云阿耶耶阿耶耶僧云和尚作甚麼師云打著我心
五祖戒云作賊人心虛
古德頌云聞鐘使道打余心語淺分明理事深上流默默點頭笑可謂真鍮不博金

禾山殷禪師垂語云習學謂之聞絕學謂之證過此二者
謂之真過僧出問如何是真過師云解打鼓云如何是真
諦師云解打鼓又問即心即佛則不問如何是非心非佛
師云解打鼓云如何是向上事師云解打鼓云萬法齊興
時如何師云解打鼓

雪竇顯頌云一拽石二搬土發機須是千鈞弩象骨老
師曾輓毬爭似禾山解打鼓報君知莫莽鹵甜者甜者
苦者苦投子青云布毛拈處費人言爭似禾山一句
傳打鼓一聲誼宇宙冰寒千丈忽生蓮

幽棲幽禪師一日歛鐘上堂大眾纔集師乃問甚麼人打
鐘僧云維那師云近前來僧便近前師遂打一掌却歸方
丈卧

投子青云然自急須逃古今皆有打窮絕處試問傍人
不惜下情果然獲有既從相問急索端由不顧危亡得
他假難難獲小利也是暗地傷人不為好手這僧雖然
失利蓋為自不守分致禍臨身未為分外然雖如是終
是平人橫遭羅網自有傍人證據在且道證據箇甚事
乃云東家不了西舍受殃復頌云驀路相逢借問由寸
心莫便與他酬雖然重檐教入代終是慚顏暗地羞
梁山觀禪師僧問如何是空劫已前事師云擊動乾坤鼓
時人聽不聞

丹霞淳頌云虛空為鼓須彌槌擊者雖多聽者稀半夜
髑髏驚破夢蒲頭明月不思歸

槌拂

世尊入滅迦葉昇須彌山頂擊銅鍵椎普集諸聖於金剛窟中結集世尊所說教法

青原思禪師因石頭參師問爾從甚處來云曹溪來師豎起拂子云曹溪還有這箇麼云非但曹溪西天亦無師云子莫曾到西天不云若到即有也師云未有更道云和尚也須道取一半莫全靠希遷師云不辭向汝道恐已後無人承當

授子青頌云白雲藏玉鳳紅日照無寥隱隱星攢處無私鎖九霄

百丈海禪師再參馬祖祖豎起拂子師云即此用離此用祖掛拂子於舊處良久云爾向後開兩片皮將何爲又師取拂子豎起祖云即此用離此用師亦掛拂舊處祖振威

一喝師直得三日耳聾後因黃檗來參舉此話黃檗不覺吐舌一本異

汾州云悟去便休得說甚麼三日耳聾石門聰云若不三日耳聾何得悟去汾州云我與麼道較他石門半月程雪竇顯云奇恠諸禪德如今列其派者甚多究其源者極少總道百丈於喝下大悟還端的也無然刀用似魚魯參差若是明眼漢設他一點不得只如馬師道爾向後開兩片皮將何爲人百丈豎拂爲復如蟲禦木爲復啐啄同時諸人要會三日耳聾麼大冶精金應無變色東林總云當言不避截舌當爐不避火逆佛法豈可曲順人情東林今日向驪龍窟內爭珠去也百丈大智不無他三日耳聾汾州石門爭免箇二俱瞎

刀用似魚魯參差

治世金剛

漢只這三箇老還曾悟也無良久云祖猶未了殃及兒
孫泐潭英云大衆且道馬祖當時是百丈悟了喝不
悟了喝衆中有檢點得出來道看山僧爲你證明若無
山僧今日不惜眉毛爲你註破良久云前三三後三三
雲蓋智云發大機顯大用非馬祖而誰能即此用離此
用獨百丈而得其肯爲甚麼被馬祖一喝直得三日耳
聾要會麼不入驚人浪難尋拊意魚
保寧勇頌云木馬踏殺天下人泥龍飲竭滄溟水霹靂
滿空山嶽摧看看平地波濤起天寧璉云放去拈來
更是誰青山時見白雲歸孤峰坐斷無餘事翻笑蟾輪
對落暉無盡居士云馬駒一喝大雄峰聲入骨髓三
日聾黃檗聞之驚吐舌江西從此立宗風上方益云

賊物
アツカ
アツカ
アツカ

雨霽遊雲尚未歸晴空忽地一聲雷嶺梅已得春消息
不比山桃一例開照覺總云未明大智再參尋相逐
相隨用不任斷浪絕流全體現一聾三日孰知音
仰山寂禪師因龐居士問又響仰山到來爲甚麼却覆師
豎起拂子士云恰是師云是仰是覆士指露柱云雖然無
入也要露柱證明師擲下拂子云一任舉似諸方
白雲端頌云兩箇八文爲十六從頭數過猶不足拏雲
亂撒向堦前蒲地團團蒼綠保寧勇云賊偷賊物
太希奇好手還他火伴知今日併賊齊捉獲得便宜是
落便宜
臨濟玄禪師辭黃檗檗問甚麼處去師云不是河南便是
河北檗便打師約住棒遂與一堂檗呵呵大笑喚侍者將

先師禪板拂子來師召侍者云將火來磔云汝但將去已後坐却天下人舌頭去在

馮山問仰山臨濟莫辜負他黃檗也無仰云不然馮云子作麼生云知恩方解報恩馮云從上莫有報恩事不仰云有只是年代深遠不欲舉似馮云雖然如是吾且不知子但舉看仰云如楞嚴會上阿難讚佛云將此深心奉塵刹是則名為報佛恩豈不是報恩之事馮云如是如是見與師齊戒師半德見過於師方堪傳授海印信頌云師資叙別意非遙禪板持來命火燒佛祖已靈猶不重信行餘長孰擎挑

首山因拈竹篋示眾云汝等諸人若喚作竹篋即觸不喚作竹篋即背汝諸人且喚作甚麼時葉縣省和尚在會於

佛智禪師首山有竹篋直下別無道理佛如劍直下別無道理

言下大悟乃近前南竹篋拗作兩截擲于塔下却云是甚麼師云瞎懸便設拜

徑山杲頌云背觸非遮護明明直舉揚吹毛雖不動遍

地是刀鎗鼓山珪云舉起竹篋子如何便到家秘魔

巖不會隨後便擎又枯木元云不觸又不背徒勞生

擬議開口更商量白雲千萬里東林顏云罵他還自

罵嗔他還自嗔戒之慎之哉乎爾者返乎爾者也

此庵靜頌云千山飛鳥絕萬徑人跡滅

孤舟蓑笠翁獨釣寒江雪普燈在之

數珠

大顛通禪師因韓文公相訪問師春秋多少師提起數珠云會麼公云不會師云晝夜一百八公罔措遂回宅快快

而已夫人乃問侍郎情思不懌復有何事公遂舉前話夫
人云何不進云晝夜一百八意旨如何公明日凌晨遂去
至門首乃逢首座座問侍郎入寺因何太早公云特去堂
頭通話座云堂頭有何因緣開示公舉前話座云侍郎怎
生會公云晝夜一百八意旨如何座乃扣齒三下公復至
堂頭又進前語晝夜一百八意旨如何師亦扣齒三下公
云信知佛法一般師云見甚道理乃云一般公云適來門
首接見首座亦復如是師遂喚首座問適來祇對侍郎佛
法是不座云是師便打趲出院
保福展云首座知前不知後大顛令不單行淨泉云
大顛前頭驚殺人後頭笑殺人當時若盡令而行這僧
也著出院然管中窺豹只見一斑

汾陽昭頌云解展機鋒是大顛明知不是小因緣一般
扣齒叢林異出院韓公始得閑黃龍南云宗師一等
展家風盡情施設為韓公獅子窟中無異獸象王行處
絕狐蹤保寧勇云一步纔行兩步移門前驚起鳳凰
兒栖蹤不在梧桐樹群鳥東西空遶枝佛國白云佛
法無別好商量門前扣齒便承當一般出院難分雪疑
殺唐朝韓侍郎今時日用海印信云潮者如山觀者如市本分
弄潮人出沒如遊戲可憐不是弄潮人往往須向潮中
死

餅錫

南泉願禪師見鄧隱峰來指淨餅云淨餅是境餅中有水
你不得動著境與我將水來峯將淨餅傾水於師面前師

便休去

歸宗云鄧隱峯也是亂漚黃龍心云信知道急行不
至緩行太過南泉亦好箇話端要且不能圓就既是能
吹亦須能拍若不能拍吹者徒勞甚處是隱峯亂漚處
具參學眼試檢點看

鼓山珪頌云南泉不指淨鉢隱峯何曾漚水從教打瓦
鑽龜佛法不在這裏徑山杲云眼中無翳休挑刮鏡
上無塵不用磨信脚出門行大路橫擔拄杖唱山歌
鹽官安國師因僧問如何是本身盧舍那師云與老僧過
淨鉢來僧將淨鉢至師云却安宿處著僧安了復來問如
何是本身盧舍那師云古佛過去久矣

雲門云無朕迹

雪竇頌云直得一手指天一手指地

爭得無還會麼雲在嶺頭閑不徹水流澗下太忙生
大溪詰云山僧不然忽有人問但云大眾歸堂去若人
向大瀉門下薦得古釋迦不先勸彌勒不後且道轉身
一句作麼生道良久云明年更有新條在惱亂春風卒
未休開福寧云先賢垂範語直如絃衲子奔波剛然
不顧山僧今夜等是無端試與諸人評議這僧只知向
前不覺蹉路國師慈悲廣大檢點將來弄巧成拙且道
利害在甚麼處還委悉麼粉骨碎身未足酬一句了然
超百億草堂清云問來答去暗裏投機識者荆棘俱
爲梁棟不識者醍醐翻成毒藥上方益頌云兩手分明過淨鉢不知身已在隍城直饒
便具金剛眼也較瀉山半月程天童覺云鳥之行空

魚之在水江湖相忘雲天得志擬心一絲對面千里知恩報恩人間幾幾

麻谷微憚師持錫到章敬處作禮遶禪牀三市振錫而立敬云是是師又持錫至南泉處遶禪牀三市振錫而立泉云不是不是師云章敬道是和尚爲甚麼道不是泉云章敬即是是汝不是此乃風力所轉終成敗壞

長慶稜代前語云和尚佛法身心何在又代後語云和尚是甚麼心行保福展別但振錫一下出又拈云章敬南泉可謂一是一非又云麻谷依倚似曲纔堪聽又被風吹別調中雲居錫云章敬未必道是南泉未必道不是又云這僧當時但持錫出去恰好雪竇顯代兩處云錯大瀉詰云章敬道是落在麻谷穀中南泉

考
三
考
三

道不是亦落在麻谷穀中大瀉即不然忽有人持錫遶禪牀三市卓然而立但向伊道未到這裏好與三十棒汾陽昭頌云章敬南泉路似殊明明道理話親踈多人不用磨金鏡漢自漢考胡自胡指月迷津迷自指示君持錫却却無雪竇顯云此錯彼錯切忌拈却四海浪平百川潮落古策風高十二門門門有路空蕭索非蕭索作者好求無病藥保寧勇云顏色規模恰似真人前拈弄越光氣及乎火重烹試到了須歸是假銀圓悟勤云如是不是去却藥忌擬犯封疆全軍失利杖頭突出古菱花舉世風流出當家佛鑑勸云昨日出都門忽逢二商旅一指我南行一指我北去南行有官船過渡北去有車馬大路雖然南北不同途都在中華

一國士

道吾智禪師因石霜問百年後有人問極則事向他道甚
麼師喚沙彌彌應諾師云添淨鉢水著師良久却問石霜
適來問甚麼霜擬拊舉師便歸方丈霜於此有省

丹霞淳頌云垂手還他作者機尋常語裏布鎗旗重詢
擬進歸方丈一句分明更不疑

杖笠

百靈禪師一日路次見龐居士乃問昔日南嶽得力句曾
舉向人麼士云曾舉來師云舉向甚人士以手自指云龐
公師云真是妙德空生也讚之不及士却問師得力句是
誰得知師便戴笠子而去士云善爲道路師一去更不回
首

佛鑑慧云諸禪德古人相見差之毫釐失之千里龐公
好語舉似人不著翻成死語百靈向鬼窟裏賣瘦一期
也被賣得過雖然如是如人飲水冷暖自知徑山果
云這箇話端若不足龐公幾乎錯舉似人雖然如是自
靈輸他龐公一著何故當時若不得箇破笠遮却體體
有甚面目見他龐公

黃蘗運禪師因普請次南泉云如許大身材戴箇此兒太
笠師云二千大千世界總在裏許泉云王老師咏師戴笠
便行

佛眼遠頌云相見錦江頭相攜上酒樓會醫還少病知
分不多愁

香嚴閑禪師初開堂日瀉山令人送拂子拄杖并書到師

提了，使哭。蒼天蒼天，僧便問和尚爲甚如此。師云：只爲春行秋令。

一云：秋令，秋令也。

手常通引，合氣氣在，春令也。

汾陽昭頌云：拄杖將來，便徹心淚流，不覺思沈吟。春行秋令，人驚恠絕。後光前感，古今踈山如云：家世拄杖，佛祖付囑。滿山寄來，香巖發哭。父子投機，陽春雪曲。不

是知音，大難相續。

正覺逸云：接得杖，哭蒼天，不言絕。

後與光前春行秋令，人難會。踏破草鞋，脚底穿。

芭蕉情禪師示眾云：你有拄杖子，我與你拄杖子；你無拄杖子，我奪却你拄杖子。

一云：拄杖子，拄杖子。

大鴻詰云：大鴻即不然，你有拄杖子，我奪却你拄杖子；你無拄杖子，我與你拄杖子。大鴻既如是，諸人還用得也。末若人用得，德山先鋒臨濟後，令若也用不得，且還。

本主

開福寧云：覺海大似量才補，我度脚買鞋。要見

芭蕉，還應未可。新報慈即不然，你有拄杖子，我與你拄

杖子；君子愛財，財之有道。你無拄杖子，我奪你拄杖子。

恩深，轉無語。懷抱自分明，或有人問難。此二途如何是

報慈，拄杖子良久云：如今卓向須彌頂，六臂三頭未許

看。法石空云：要識芭蕉用處，麼更將歸去夢說與欲

行人。天童覺云：你有則一切有你，無則一切無。有無

自是當人與奪，關芭蕉甚事。正恁麼時，作麼生是你拄

杖子。

投子青頌云：有無今古兩重關，正眼禪人過者難欲通。

大道長安路，莫聽崑崙說往還。你寧勇云：你有面前

拈取去，如無背後奪將來。可憐黑漆光生底，擊著千門

是列善崔禪師將主公於德署部張座請師說法出師陞
座良久語畢曰出衆執不來部執時譚空和尚告曰崔禪
師曰久矣大尉珍重部下座部子三老七三十一

萬戶開 正覺遠云芭蕉示眾世無隣與奪縱橫不易
親兩散雲收何處去空令遊子淚沾巾 文珠通云有
無與奪太說訛拄杖當途不奈何好把斜橫禪椅畔免
令就上長枝柯 枯木成心縱奪照機得自由相逢切
忌更撻眸轉身必合知時節擬議山藤便到頭
定列善崔禪師嘗陞堂拈拄杖云出來打出來打時有僧出云
崖禪擊師擲下拄杖便歸力文 傳燈主卷五十二
法燈欽云和尚且自救好是首他不首他 五祖戒云
便推倒禪牀 歸宗一云作麼生道得一語救得崔禪
琅琊覺云久經行陣者終不展旗鎗 雲蓋智云身挨
白刃不懼死生須是這僧始得崔禪為甚麼當機放過
要會寒金鱗已得休勞力收取絲綸歸去來

保寧勇頌云鏐鎔橫按寶光寒映客嘯維敢正者飛過
青霄聲震吼乾坤直得黑漫漫

雲門偈禪師拈起拄杖舉教中道凡夫實謂之有二乘拈
謂之無緣覺謂之幻有菩薩當體即空乃云衲僧見拄杖
但喚作拄杖行但行坐但坐總不得動著

鼓山珪頌云二乘菩薩何年盡諸佛凡夫早晚休世事
但將公道斷人心難似水長流 徑山杲云剔開金殿
鎖撞動玉樓鐘泣露千般草吟風一樣松
雲門拈拄杖示眾云拄杖子化為龍吞却乾坤了也山河
大地甚處得來

黃龍心云明眼宗師至今猶在忍若有箇漢出來道這
箇是拄杖子山河大地有甚過也許伊具一隻眼

雪竇顯頌云挂杖子吞乾坤徒說桃花浪裏奔燒尾者
不在空雲攪霧懸鯢者何必喪膽忘魂拈了也聞不聞
直須灑灑落落休更紛紛紆紆七十二棒且輕想一百
五十難放君師驚拈挂杖下座大眾一時走散石霜
云石霜挂杖化為龍吞却乾坤在手中黃面瞿曇然耽
眼百千菩薩盡驚忙

蓮華峯庵主拈挂杖示眾云古人到這裏爲甚不肯住衆
無對自云爲他途路不得力復云畢竟如何又自云擲標
橫檐不顧人直入千峯萬峯去

佛眼遠橫按挂杖於肩上高聲喚云和尚和尚又云闍
國人追不再來千古萬古空相憶天童覺云負入不
負取本色住山人思大吞盡諸佛普眼不見普賢且道

病在甚麼處驚拈挂杖卓一下云官不容針私通車馬
雪竇顯頌云眼裏塵沙耳裏土千峰萬峯不肯住落花
流水太茫茫剔起眉毛何處去本覺一云作者寧甘
在半途半途不住意如何橫肩挂杖千峰去雲水何人
見得渠

保壽恩禪師上堂拈起挂杖云得自天台絕比倫從來無
葉又無根有時扶過斷橋水幾度伴歸明月村然雖却是
也不得放過擊禪牀一下便下座

丹霞淨頌云此杖不從天地得登山涉水承渠力如今
擲向亂峯前免致叢林爲軌則

雲蓋禪師謁雙泉雅禪師雅令充侍者示以芭蕉挂杖
話久無省發一日雅向火次師特立雅忽問挂杖子話試

舉來與子商量師擬舉雅拈火筋便撼師豁然大悟
白雲端頌云與奪雙行驗正邪縹緲爭拄杖便忘家慕然
鐵棒如風至失却從前眼裏花

鏡扇

南嶽讓禪師居南嶽時馬祖在彼住庵日唯坐禪師因往
問云在此何爲祖云坐禪師云坐禪何所圖祖云圖作佛
師一日將輕一片於庵前磨祖云磨此何爲師云要作鏡
祖云磨孰豈得成鏡師云坐禪豈得成佛祖云如何即是
師云如人駕車車若不打打車即是打牛即是祖於是悟
旨於言下遂印心傳法符西祖之識焉駒踏殺天下人之
語南宗開於江西

汾陽昭頌云磨孰作鏡茲同音來問分明示本心縹緲

一カラスナ牛

木人回面指犁牛耕出古阜金 保寧勇云死馬醫來
無用處車牛腦後更加鞭皮穿肉綻還知不任重應須
角力全 佛印元云磨孰作鏡不爲難忽地生光照大
千堪笑坐禪求佛者至今牛上更加鞭 佛燈珣云坐
禪成佛心中病作鏡磨孰眼裏花一掣牢關金鎖斷等
閑信步便歸家馬駒子實堪誇自從胡亂後著處是生
涯 是古佛云磨孰作鏡象席打令一切魚龍知水爲
命

鹽官安國師一日喚侍者將犀牛扇子來者云破也師云
扇子既破還我犀牛兒來侍者無對

投子代云不辭將出恐頭角不全雪竇顯又拈云我安
不全底頭角 石霜代云若還和尚即無也雪竇又云

解牛角者有某也我某也某某某
何某元頌珠鈔錄一卷西遊記集韻

犀牛兒猶在。保福代云和尚尊年別請入好雪竇又云可惜勞而無功。貧福代作圓相於中書牛字。雪竇又云適來為甚不將出。雪竇復拈云若要清風再復頭角重生請諸禪客下一轉語乃問。扇子既破還我犀牛兒來。時有僧云大衆參堂去。師喝云拗釣釣鯢鯨釣得箇蝦蟆。雪竇頌云犀牛扇子用多時問著元來總不知無限清風與頭角盡隨雲雨去難追。白雲端云可憐一柄犀牛扇謾道曾遭已破除無限清風隨手起卓然頭角出寰區。天童覺云扇子破索犀牛圖圖中字有來由誰知桂穀千年魄妙作通明一點秋。佛燈珣云犀牛扇子用多年歷掌清機授手傳頭角十全收拾取兩餘風

光明藏卷下全抄卷一之五 訖

月滿長川。祖印明云老師底死索犀牛用處其誰得自由。侍者不知頭角具鼻根繩索破他收。草堂清云明月冷相照清風卒未休。監官無限意何用覓犀牛。仰山寂禪師住東平時瀉山附書并鏡一面至師附座授書乃提起鏡示衆云大衆瀉山將鏡來而今日道是瀉山鏡東平鏡若道是東平鏡又是瀉山寄來若道是瀉山鏡又在東平這裏道得即存取道不得即打破去也如是三舉衆皆無對師乃撲破

五祖戒代云更請和尚說道理看。驚奪打破。汾陽昭頌云仰山接得瀉山鏡告衆拈來行正令。懺懺。彈流眼不開仰山直下驀頭釘。洞山聰云提起分明照正邪衆人皆不啓唇牙譬如賣物無人買最後須歸

本生家 保寧勇云鴻山古鏡仰山提日上東方月落
西撲落不知誰拈得秋風索索草萋萋 智海清云全
放全收意亦優鴻山送至仰山頭可憐一片如秋水三
問無人撲破休 佛心才云父子相傳鏡絕塵須知秋
夕不同輪可憐無限迷頭者錯認空花鏡裏春
高亭簡禪師初見德山在江岸坐即問江問訊山以扇招
之即忽然契悟橫趨而過更不渡江遂返高亭住持法嗣
德山
徑山果云高亭橫趨而去許伊是箇劍利衲僧若要法
嗣德山即未可何故猶與德山隔江在
古德頌云德嶠有此陳滯貨幾度瞞人瞞不過高亭幸
自可誕生陽岸無端遭染汚

廣德義禪師僧問久負不逢時如何師云扇開人不遇陋
巷莫能收

丹霞淳頌云妙體堂堂相分全青霄獨步躡金蓮千花
臺上猶慵坐弊垢欄衫豈肯穿

天衣懷禪師僧問古鏡未磨時如何師云撐天拄地云磨
後如何師云夕陽影裏快藏身

松源岳頌云拄地撐天合体用夕陽影裡不藏身有時
獨坐孤峯頂寂寂猶聞落葉頻

禪林類聚卷第十六

檀林類聚卷第十七

器用 確磨車附

弓箭

刀劍

骨董

器用 確磨車附

俗語
住金
計
此世生多
俗語
錢多生
呼錢

南泉一日在山上作務有僧過問師南泉路向甚麼處去
師拈鎌子云我這鎌子三十文錢買得僧云不問茅鎌
子三十文錢買得南泉路向甚麼處去師云我使得正快
松源岳云南泉門前活路子八字打開這僧肚裏惺惺
伴輩詐症當時若見南泉道我使得正快便乃轉身一
步云賺我來大小南泉也須倒退
大鴻喆頌云問路分明指路頭青蚨三十不輕酬用時

最快無機巧無味之談寒泉流 圓通倦云節鎌三十

文錢買觀由高提第一等直下便知歸去路也須更上

一層樓 照覺總云節鎌使得快如風二十青蚨建大

功南泉向上路難到到者方知觸處通 道場如云忽

忽禪客問南泉疑段徒勞痛下鞭今日為君重漏泄翻

翻孤鴈下遙天 天童覺云我這鎌子用得快當時三

十文錢買南泉門下路岐通寄語行人著精彩

龐居士因賣竹擔籬下橋喫撲女子靈照一見亦倒爺邊

士云你作甚麼女云見爺倒地某甲相扶士云賴是無人

見

黃龍南頌云憐兒不覺笑嗔嗔却於中路驟泥沙黃龍

老漢當時見一棒打殺這冤家 應庵華云居士倒地

銀照扶起乞兒伎倆討甚巴鼻

趙州諗禪師僧問道人和見時如何師云呈漆器

雪竇頌云諸禪德還有趙州底麼出衆相共商量若

未能辨明大好從頭舉與你點破四九二十六

南堂靜頌云作家相見時堂堂呈漆器烏龜落漆桶也

有第一義

趙州因尼問離却上來說處請和尚指示師咄云煨破鐵

餅尼將鐵餅添水米云請和尚答話師乃笑

石和諸禪師僧問如何是和尚深深處師云無鬚鎖手兩

頭搖

黃龍新云石霜老禿不識好惡鎖既無鬚即無兩頭既

無兩頭搖箇甚麼良久云青山無過莫白雲任卷舒

投子青頌云三更月落兩山明古道路隨蒼蒲生金鎖
搖時無手犯碧波心月兔常行保寧勇云無鬚鎖子
卒難開枯木堂中莫亂猜千古兩頭搖不動待他驢角
納僧來

清平蓮禪師僧問如何是大乘師云非索僧云如何是小

乘師云錢貫云如何是有漏師云策離云如何是無漏師

云木杓

琅耶覺頌云有漏梵離無漏木杓烜爛燈和安生卜度

剎利座主何處摸索全身解使袖袖李廣箭穿雙鵝

無盡居士云二乘諸漏扣空王雪後那堪半夜霜秦漢

旌旗度沙漠唐虞黼黻拱嚴郎法雲秀云大乘小乘

非索錢索有漏無漏策離木杓直下承當鼻孔失却

南華經云，焚籬木杓錢貴非索，打左鑿龜徒勞卜筮。
麟只有一隻角。天童覺云，焚籬木杓錢貴非索，見成
家風受用廓落，生非放得信緣者，佛法更於何處著不
用安排，只麼從自然心地常安樂。

雪峯存禪師出世開山之後，衆盈千五百人，師以三木毬
接人，凡有僧來參，輒出示之。

智門祚頌云，雪峯毬毬孰辨機，一千五百幾人知。起
眉毛，千萬里須是吾門獅子兒。天衣懷云，天兮覓也
兮，開雪峯毬毬幾，怛一毬直上須彌山，無量人天眼
開豁脫却，多年臭皮襪，步行走馬到新羅報滿，花須連
夜發。佛國白云，雪老平生好毬毬，毬來毬去毬無休，
一千五百人同戲，誰解輪機賽一等。夢庵信云，只來

輓夫事方圓，獨許漁郎上釣船。明月蘆花同一色，落霞
孤鶩共遙天。

雪峯因僧與造龜子了白，師云和尚龜子成也。師云昇將
向堂前，著僧昇來，師纔見便問，大眾有人道得第一句，即
留取。如是非問，時有僧出云某甲咨和尚，師便喝云，莫家
沸，便將龜子燒却。

雪峯因玄沙問某甲，如今大用去，和尚作麼生。師遂將三
箇木毬，一時拋出，沙遂作斫牌勢。師云，你親在靈山，方得
如此沙云也，即是自家底。

雪峯一日陞座，衆集定，乃輒出木毬，玄沙遂去捉來，安舊
處著。

白雲端云，此箇時節，衆中皆言子父共作一大事，如此

見解深夢見也。未海會今日布施諸人乃云濃研香翰
深蘸紫毫

雪峯謂玄沙云我時時全機提持把三箇木毬一時拋與
全提去沙云和尚拋後忽被箇師僧出來道和尚看毬又
作麼生師云道甚麼沙云某甲即不與麼師云你作麼生
沙云也未是分外

仰山湧禪師向火次有僧來參師云一言說盡山河僧便
問如何是一言師以火筋揮向爐邊却收舊契

投子青頌云一句稱提萬象分摩竭空自掩重門當初
衲子微開眼插筋爐邊當火焚

歸宗惲禪師僧問截水停輪時如何師云磨不轉云如何
是磨不轉師云不停輪或作雲居

徑山杲云恩大難酬

古德頌云截水停輪語已圓借婆衫子拜婆年後人不
見雲居老往往思量在兩邊

泐潭明禪師僧問確搗磨磨不得忘却時如何師云虎口
裏活雀兒

丹霞淳頌云一念蕭蕭不記年皮膚脫落自完全長天
夜夜清如鏡萬里無雲孤月圓

雲居膺禪師僧問截水停輪時如何師云磨不轉
汾陽昭頌云雲居有語機關絕不轉令君返照看截鐵

閉關停妄解百花俱發一花園開花結果從他有因地
抽條長碧夫佛印元云截水停輪語已圓借婆衫子

拜婆年後人不見雲居老往往思量在二邊

藥山嚴禪師與雲巖遊山腰間刀響巖云甚麼物作聲師便抽刀嚙口作斫勢

投子青頌云大鵬無伴過天池獅子將兒絕後隨毘器

臨濟玄禪師僧問如何是吹毛劍師云衲事禪事僧禮拜師便打

投子青頌云劍藏匣冷逼人寒擬問棲遲過嶺南更欲進前來退後悲風千古透溪潭

巖頭嚴禪師問僧甚處來云西京來師云黃巢過後還叔得劍麼云收得師引頸近前云因僧云師頭落也師呵呵大笑僧後到雪峯峯問甚處來云巖頭來峰云有何言句

僧舉前話峯打三十棒趂出

大潞喆云這僧黃巢過後曾收劍却向巖頭處施設及

至雪峯面前鋒銑不露何故爲他巖頭大笑一聲直得天地洗時四方絕唱若不得雪峯幾乎陸沈不見道殺

人力活人劍

雪竇顯頌云黃巢過後曾收劍大小還應作者知三十

山藤且輕惹得便宜是落便宜

西院明禪師未住時問汝州南院出世元是同參特去相訪纔人事了便云某甲啓和尚無可作人事自從許州來

收得江西剃刀一柄上和尚院云汝從許州來因甚却收得江西剃刀師於南院手上摘一摘院呼侍者云收師以

衣袖拂一拂便行院云阿剌剌阿剌剌

徒當口

團

大鴻詰云西院收得江西剗刀無處施呈直遇同參方始拈出如今還有收得者麼試呈似老僧看如無尋常用箇甚麼

海印信頌云南院門風信莫窺登臨無不喪全威許州親獻江內信針芥相投上首知

雲門偃禪師僧問如何是吹毛劍師云祖

智門祚頌云吹毛寶劍問雲門來者投機豈更存路逢劍客如何也既人攜手向南奔雲溪恭云吹毛寶劍

不須抽進匣清光射斗牛日用全彰人不見雲門祖字爲君酬圓通偈云三尺秋光匣裏藏時逢作者露鋒

銑如今四塞狼煙靜不展紅旗歸帝鄉

芭蕉情禪師僧問如何是吹毛劍師云進前三步僧云用

古史志曰
黃帝始
外

者如何師云退後三步

風穴沼禪師僧問如何是廣慧劍師云不斬死漢

巴陵鑒禪師僧問如何是吹毛劍師云珊瑚枝枝撐著月

雪竇顯頌云要平不平大巧若拙或指或掌倚天照雪

大冶兮磨礪不下良工兮拂拭未歇別別珊瑚枝枝撐

著月白雲端云珊瑚枝枝撐著月射斗鋒銑未足觀

四海盡來歸貢後乾坤同耀寶光寒長發卓云價重

三千不可圖從教千古強名相長因塞北煙塵息記得

江南啼鵲鵲

弓箭

石鞏藏禪師凡見僧來以弓架箭示之一日三平至師云看箭平乃撥開臂云此是殺人箭活人箭又作麼生師乃

貢奉
古史志曰
黃帝始
外

扣弓弦三下平便作禮師云三十年架一張弓兩隻箭只射得半箇聖人遂拗折弓箭平後舉似大顛顛云既是活人箭爲甚麼向弓弦上辨平無對顛云三十年後要人舉此話也難

雲門問長慶作麼生道免得云作半箇聖人長慶云若不還價爭辨真偽門云入水見長人雪竇顯云石鞏要先拗折不難爭柰三平中的了也然則老宿要話三平且未免張弓架箭首山念云人人盡道三平中的莫屈他也無良久云機關不是韓光作莫把曾襟當等閑姜山愛云射虎不真徒勞沒羽佛鑑勸云大小三平元來只是箇死漢若非死漢又焉甚麼活人箭石鞏龍頭蛇尾矢在弦上又不發當時若便與一箭那

裏來太顛作死馬醫醫之不差從他掘地深埋且如智海德麼批判古今還有過也無細雨灑花千點淚淡煙籠竹一堆愁天童覺云石鞏習氣不除三平相席打令却云三十年一張弓兩隻箭射得半箇聖人豈不是以己力入大邪不入驚入浪到了難尋稱意魚汾陽昭頌云張弓架箭喚君回不省宗師特意來箇箇盡隨迷醉走句中認影影難開三平猶未全提得霹靂雷聲徧九垓佛慧泉云張弓架箭豈徒然中的雖多命不全半聖投機無別意功高何必盡凌煙正覺逸云三十年來事一弓一弓弓擬定雲中寧知半聖雖投欸納壁率半信不通佛印元云架箭張弓得用深平生猶著中紅心後來半箇人難得猛火方成白煉金

佛國白云張弓架箭三十年射得三平半不全爭似萬
人齊指處斜陽一鴈落秋天 崇勝珙云三十年來握
箭弓三平纔到壁開弓半箇聖人今日得大顛弦外幾
時逢

祕魔巖禪師常持一木杈凡見僧來遠提起杈云甚麼魔
魅教汝出家甚麼魔魅教汝行脚道得也杈下死道不得
也杈下死速道速道

法眼益代云乞命乞命 玄覺代云老兒家放却杈子
得也 五祖戒云山僧當時若見奪取杈來臺項杈倒
點起火照看伊面皮厚多少 法燈欽云但引頸示之
後霍山聞遂訪祕魔禪師纔見未禮拜便攬入懷魔乃拈
山背三下山拍手云師兄三千里外賺我來三千里外賺

我來

保福展云當斷不斷返遭其亂 首山念云千聞不如

一見 翠巖芝云還有賺處也無非但賺他太禪佛翠

巖今日也賺大眾上來 琅瑯覺云雷聲浩大雨點全

無

洞山聰頌云梨荒老倒眼彌麻自救無療更持杈嶺南
傷獠當時見一棒打殺這魔家 雪竇顯云把斷重津

過者難擊杈須信觸體乾霍山到後如端的同死同生

未足觀 黃龍南云叔姪相逢兩不猜到頭撫背似癡

獸回首恐人生恠笑報云千里賺予來 海印信云自

誇獨握鉢龍劍及遇真龍不奈何也似將軍空索戰無

功徒枉動干戈 崇勝珙云祕魔杈子動家邦來往禪

項羽人走時
烏江人走時
項羽人走時
烏江人走時

人被死降禪佛單刀直入處始知項羽到烏江夢庵
信云道得無言杖下死霍山猛跳入懷中三千里外虛
相賺更有何人透此宗

欽山遂禪師因良禪客問一鏃破三關時如何師云放出
關中主者良云怎麼則知過必改師云更待何時良云好
箭放不著所在便出去師云且來關黎良回首師把住云
一鏃破三關即且致試與欽山發箭者良擬議師打七棒
云且聽這漢疑三十年有僧舉似同安察察云良公雖能
發箭要且未中的有僧問未審如何得中的去察云關中
主是甚麼人僧舉似師師云良公若解與麼道也免得欽
山口雖然如是同安不是好心亦須看始得
佛繼慈云若識得三險道理便能一鏃破三關還有麼

有則出來與你發箭良久云箭穿紅日影須是射鵰人

天童覺云山堆嶽積來瓦解冰消去則是人知有與我
放出關中主者且合作麼生有底道當時便
掌然則一期時用則得要且未是關中主在還體得麼
當堂不正坐那赴兩頭機

雪竇顯頌云與君放出關中主放箭之徒莫莽鹵取箇
眼方耳必聾捨箇耳方目雙瞽可憐一鏃破三關的的
分明箭後路君不見玄沙有言号大丈夫先天為心祖

骨董

優波毬多尊者在世化導證果者最多每度一人以一籌
置於石室其室縱十八肘廣十二肘其籌充滿其間
南陽忠國師因耽源問百年後有人問極則事如何師喝

云幸自可憐生剛要箇護身符子作麼

保寧勇代云粉骨碎身難報此德佛性泰云大小耽

源被國師一坐百坐而今起不得若是德山要且不然

待伊道幸自可憐生須要箇護身符子作麼只對他道

暗中爲照燭煥處作津梁

汾陽昭頌云護身符子最通靈國師起坐總將行耽源

得用南方去爲說令人睡眠醒海印信云不重已靈

猶自可護身符子更那堪爲君肯外通消息秋月無雲

落碧潭

黃檗連禪師問百丈從上宗乘苗裔此間如何商量丈默
然師云教後人如何委悉丈云我將謂你是箇人便起去
師隨後入方丈云某甲得得而來只要箇印信足矣丈云

若爾他後不得辜負老僧

佛眼遠頌云打麪還他州土麥唱歌須是帝鄉人現成
財本成家者多見飢寒在子孫

趙州諗禪師因與侍者文遠行次乃指一片地云這裏好
造箇巡鋪文遠便去路傍立云把將公驗來師遂與一摺
遠云公驗分明過

佛鑑數頌云雖然公驗各隨身去住皆由守鋪人踏破

草鞋歸去後落花啼鳥一般春鼓山珪云天子老開

市裏山僧在百草頭擺手御街來往不怕巡火所由

徑山杲云一正一邪一倒一起又遠趙州靴裏動指

趙州到道吾吾預知乃取豹皮褌著將古嘹杖於三門下
翹一足師纔到吾便唱諾師云小心伏事著吾又唱諾

翠巖芝云有人見得此二人落處不妨具眼若不知落
處未具眼在乃擊禪牀一下云若也不會打與三伯
木庵承云奴見婢慙慙

鼓山珪頌云稽首兩足尊瞻仰不暫捨眉間白毫光照
耀大千界徑山杲云有禮有樂有唱有酬人平不語
水平不流

長沙岑禪師令僧問會和尚未見南泉時如何會良久僧
云見後如何會云不可別有也僧曰舉似師師云百尺竿
頭坐底人雖然得入未爲真百尺竿頭須進步十方世界
是全身僧云百尺竿頭如何進步師云朗州山澧州水僧
云不會師云四海五湖王化裏

無用全云大悲先師道要見長沙麼更進一步保寧即

不然要見長沙麼更退一步畢竟如何洗骨換腸重整
頓通身足眼更須參

天童覺頌八玉人夢破一聲雞轉盼生涯色色齊有信
風雷催出盡無言桃李自成蹊及時節力耕犁誰怕春
晴沒脫泥

潭泉禪師僧問如何是相傳底事師云龍吐長生水魚吞
無盡漚云請師挑剔師云播鼓轉船頭棹穿波裏月

丹霞淳頌云依依半月沈寒水耿耿三星碧落橫昔日

與化莊禪師僧問軍旗急速時如何師云日料半斤食

投子青頌云鰲城別閣曉愁時月落星分信馬蹄風掃

曉鉅林木迥夜深汀岸火生微

玄沙偈禪師初到莆田縣百戲迎之次日問小塘長老云
昨日許多誼開向甚麼處去小塘提起袈裟角師云料掉
沒交涉

一市所誼者乃其行多事以誼之者連之也本一誼人

法眼益別云昨日有多少誼開法燈欽別云今日更
好笑大溪詰云大溪即不然然有問遂鳴指一下如
有箇衲僧出來云料掉沒交涉却肯他何故大丈夫漢
持虎鬚也是本分且通利害在甚處黃龍新云奇怪
諸禪德扶豎宗乘也須是小塘長老始得玄沙為甚道
沒交涉我即不然昨日許多誼開向甚麼處去也云人
共白雲帶水和明月流
天童覺頌云夜夜載舟澄源著柳龍魚未知水為命折
筋不妨聊一攪玄沙師小塘老函蓋箭鋒探竿影草潛

玄沙偈禪師
莆田縣百戲
誼開向甚麼
處去小塘提
起袈裟角師
云料掉沒交
涉

縮也老龜巢蓮遊戲也華鱗弄藻

老龜巢蓮遊戲也華鱗弄藻

青溪璉禪師問修山主明知生是不生之理為甚麼為生
死之所流修云笋世竟成竹去如今作幾使得麼師云汝
向後自悟去在修云某甲所見只如此上座作麼生師云
這箇是監院房那箇是典座房修乃作禮
天童覺頌云豁落亡依高閑不羈家邦平貼到人稀些
些力量分塔級蕩蕩身心絕是非是非絕介立大方無

青溪璉
修山主
明知生
死之所
流修云
笋世竟
成竹去
如今作
幾使得
麼師云
汝向後
自悟去
在修云
某甲所
見只如
此上座
作麼生
師云這
箇是監
院房那
箇是典
座房修
乃作禮

大陽堅禪師僧問如何是玄旨師云壁上掛錢財

投子青頌云輕輕人間玄中事便吐肝腸說與他本人

暗皺雙眉處石女多言爭奈何

護國禪師僧問鶴立枯松時如何師云地下底一場懽懽

地下底一場懽懽

云滴水滴凍時如何師云日出後一場懨懨云會昌沙汰時護法善神向甚麼處去也師云三門頭兩箇一場懨懨天童覺頌云北志稜稜鬢未秋男兒不憤不封侯翻思清白傳家客洗耳溪頭不飲牛

揚歧會禪師問僧栗棘蓬你作麼生吞金剛圈你作麼生跳

鼓山珪頌云揚歧老人頊口訣萬里長城一條鐵斫牌禪客如到來不動金槌腦門裂徑山杲云金剛圈栗棘蓬玄沙三種病不聾一張弓直截為君說新羅在海東

禪林類聚卷第十七

禪林類聚卷第十八

糧食

齋粥

餬餅

五味

茶湯

蔬菜

糧食

五祖忍大師因詣碓坊問六祖云米白也不云白也未有薛師於碓以杖三擊之六祖即至三鼓入室密受衣鉢臨濟文徹師問院主甚處來主云州中某黃米來師云某得盡不主云某得盡師以拄杖劃一劃云還某得這箇不主便喝師便打後典座至師舉前話座云院主不會和尚意師云你又作麼生座便禮拜師亦打

黃龍南院主下喝不可放過典座禮拜放過不可又云舉滑行令歸宗放過二十年後有人說破

佛鑑錄
卷之五

白雲端頌云寶劍持來刃似霜幾回臨陣斬蠻王有情
有理俱三段一道寒光射斗傍大鴻詰云院主下喝
典座禮拜臨濟令行古今獨邁正覺逸云功德天將
黑暗女有智主人俱不取後代兒孫渾莽箇宏綱委他
憑誰舉佛鑑勸云眾米開梨意氣驕輕如春雪自飄
飄纔方落地人皆愛力不禁風當下消徑山杲云一
堆紅酸豎時空小問金鑰鐵錫銅入裏盡教成永去那
容蚊蚋泊其中

雪峯存禪師示眾云盡大地撮來如粟米粒大拋向面前
漆桶不曾打鼓普請看
西院稜問雲門云雪峯與屈道還有出頭不得處麼門
云有院云作麼生門云不可總作野狐精見解也又云

狼籍不少雲峯悅云雖然足上不足我更與你薦
蒸拈拄杖云還是雪峯麼咄王令稍嚴不許攪行奈市
大鴻詰云我更為諸人土上加泥乃舉拄杖云看看雪
峯老人向你諸人面前放屁咄為甚麼屎臭氣也不
禾山方云降魔亦不用打鼓但祇係麼者設使看而不
徹亦乃熏習善種忽若看得徹去始知降魔老婆心切
然誰如是三十年後不得辜負山僧

雪竇頌云牛頭沒馬頭四曹溪鏡裏絕塵埃打鼓看
來君不見白花香至為誰開白雲端云眉毛鐔裏遊
南嶽太海波心泛釣舟薄藝隨才終不說從他打鼓看
無休圓悟勤云疾酸過風奔流度月唱拍相隨拳踢
相應然轟起震天雷百草頭顛春色回楚安方云

打鼓普請看，直得骨毛寒。拾得寒山舞笑倒，老豐干。
重舉在洞山作飯頭淘米，次洞山問淘砂去米淘米去砂。
師云：砂米一時去。山云：大眾喫箇甚麼？師遂糴却米盆。山
云：據子因緣，合在德山。

投子青云：大眾洞山恁麼道，是甚道理？雖然一色乾坤，
爭奈山高水闊，所以野人云：功夫不到，不方圓。言語不
通，非眷屬。乃代云：淘砂去米淘米去砂，無影長生桂，經
霜結子頻。大眾喫箇甚麼？金剛採香，嚼不盡玉雞食。藥
葉長新。天童覺云：雪峯祇管步步登高，不覺草鞋跟
斷。若也止偏，宛轉敲唱俱行，自是言氣相合。父子相投，
且道洞山不肯。雪峯意在甚處？處滿里無雲，六有過碧。
潭似鏡，月難來。琅琊覺云：雪峯與麼去，人似拖却甜。

桃樹沿山摘醋梨。

投子頌云：滿鉢盛來一物無，豈同香積變珍蘇。日月並
輪長不照，木人舞袖向紅爐。

黃山輪禪師因夾山問甚處人。師云：閩中人。山云：還識老
僧麼？師云：和尚還識某甲麼？山云：不然。子且還老僧草鞋
錢。若僧然後還子。江陵米價，師云：與麼則不識和尚未審
江陵米作麼價。山云：真獅子兒，善能哮吼。

佛鑑懃云：且道二老漢，更有相識處也。無若也，相識何
須更問？若不相識，因甚却問鞋錢米價？交加黃山云：江
陵米作麼價？夾山便贊云：真獅子兒，善能哮吼。意旨如
何？於此見得，真無陳得便，新其或未然。江陵米價逐時
增，草鞋錢盡教誰出。大滌智云：啐啄同時，師資相投。

草鞋米價彼此相酬，有得有失，善能哮吼，既有得失，誰肯誰休？且道那箇全得那箇全失？若擇得出，許你親見二老。

丹霞淳頌云：父子相逢，眼悟明，靈苗業裏坦然行箇中。若謂金毛子是鹽梅餠，大竈。

齊粥

金牛禪師凡自做飯供養衆僧每至齋時昇飯桶到僧堂前作舞云菩薩子喫飯來乃拈掌大笑

曹山因僧問古人恁麼是奴兒婢子不山云是云向上
事請師道山咄云這奴兒婢子長慶稜云大似因齋
慶讚大光因僧問長慶道因齋慶讚意旨如何光乃
作舞僧禮拜光云見其道埋便拜僧却作舞光云這野

石室派手、四角形、參ト云ナリ 加我法衣ハ云、統ト云ト四ノトエフ此 本則キ云ソスルハ大云、之別キトモ石代、寄寄書、一南逆、白

通折
同

讀詩曰
詠曰

狐精 東禪齊云古人自出手作飯舞了喚人來喫意
作發生還會麼只如長慶與太光是明古人意別爲他
分折今問上座每日持盂鉢鉢時迎來送去特爲當與
古人一般別有道理若道別且作麼生得別來若道一
般恰到他舞又被喚作野狐精有會麼若未會行脚
眼在甚麼處 雪竇顯云雖然如此金牛不是好心
雪竇頌云白雲影裏笑呵呵兩手持來付與他若是金
毛獅子子三千里外見說說 佛國白云金牛作事也
奇哉拊掌相招喫飯來若謂因齋成慶讚鄒盧笑殺毛
黃梅 地菰恩云奉中十指長繡自由菩薩喫飯莫笑
金牛有意氣時添意氣不風流處也風流 佛眼遠云
長連牀上狐屎屎三聖堂前狗吠春跳出金牛窠窠子

調イニル
ソモム

約イニル
ソモム

三ホム
二ホム
一ホム

弄ハハ
ニヤソア

月明照見夜行人 長蘆卓云昔年手喫飯來一喚令
人眼豁開却憶上方曾打鼓親持鐵鉢詣天台
藥山儼師一日齋持自打鼓高沙彌持鉢作舞入堂
便拋下鼓槌云是第幾和彌云第二和師云如何是第一
和彌就桶內舀一杓飯便去

松源奇云停囚長智

汾陽昭頌云一般打鼓并作舞與你諸方事不同歷歷
正聲霄漢外且非數目落寒中 雪峰頌云聲鼓拈槌
第二等鉢盛香飯飽還休東風扇後韶光美別岸垂楊
弄翠柔 枯木成云父子相投氣味同擎鉢打鼓展家
風雖然百味般般有爭奈風吹別調中
丹霞然禪師問僧甚麼來云山下來師云喫飯了未云喫

飯了也師云將飲與汝喫底人還具眼麼僧無對

長慶問保福云將飯與人喫報恩有分爲甚不具眼福
云施者受者二俱瞎漢慶云盡其機來還成瞎不福云
道我瞎得麼 玄覺微云且道長慶明丹霞意爲復自
用家財 汾陽昭代云若不上山爭識丹霞 芭蕉微
云各具一得一失又代僧云爭不足讓有餘又代霞云
施受俱無利益 保寧勇代云今日被和尚勘破 應
庵華云丹霞既已龍頭蛇尾長慶保福只得將錯就錯
雖然二三老宿要且不知道僧落處具擇法眼試請辨
看

雪竇顯頌云盡機不成瞎按牛頭喫草四七二三諸祖
師寶器持來成過客過客深無處尋天上人間同陸沈

趙州諗禪師僧問學人乍入叢林乞師指示師云喫粥了也未云喫粥了師云洗鉢盂去其僧因此契悟

雲門云且道有指示無指示君言有趙州向伊道箇甚麼若言無這僧爲甚悟去雪竇顯云我不似雲門爲蛇畫足直言向爾道問者如蠹蝕木答者偶爾成文然雖與麼瞎却衲僧眼作麼生免得此過諸仁者要會麼還爾趙州喫粥未拈却這僧喫粥了雪竇與爾拄杖子歸堂雲峯悅云雲門與麼道大似爲黃門栽鬚與蛇畫足若是雲峯則不然這僧道於此悟去入地獄如箭射保寧勇代云恩大酬

黃門、信、名兒
入、張、此、出、春、登、之
此相臨、之、大、用、此、功、
可、在、上、

尋常洗鉢盂，奈何依樣畫葫蘆。靈光洞徹河沙界，是則名爲大丈夫。佛隴遜云：粥了，令教洗鉢盂，龍心往往更心籠，直饒到此，分明了也，是平生不丈夫。雲蓋智云：趙州喫粥，話尋常，問禪客，心若不負人，面上無慚色。白雲端云：梅花落盡，杏花披未，免春風著出，旒一氣不言，含有象，萬靈何處謝，無私。三祖宗云：乍入叢林，伸一問鉢盂，洗却更何疑，從前官路無迂曲，底事遊人不見歸。湛堂準云：之乎者也，衲僧鼻孔大，順向下，墮人若也，不曾問取東村王大姐。護國圓云：推將物理成，家計會合，時機便識心，多謝春風無厚薄，貧家桃李也。成陰。

晉化禪師與臨濟在施主家齋濟問毛吞巨海芥納須彌

爲復是神通妙用爲復是法爾如然師遂趺倒飯牀濟云
太虛生師云這裏是其所在說龜說細濟休去明日又同
一家赴齋濟問今日供養何似昨日師又趺倒飯牀濟云
太虛生師云睹漢佛法說甚龜細濟乃吐舌
雪竇顯云兩箇老賊喫飯也不了好與二十棒棒雖行
且道那箇是正賊圓悟勸云真金不百煉爭得光輝
至寶不酬價爭知真假不是臨濟不能驗得普化不是
普化不能玩他臨濟所謂如水入水如金博金雖然如
是放過則彼此作家檢點則二俱失利南堂靜云此
二尊宿如二龍爭珠擊雲騰霧不動波瀾如二虎爭餐
活捉生擒不傷物命今夜或有人問大隋道毛吞巨海
芥納須彌爲復是神通妙用法爾如然只向道不見先

師翁有言一拳拳倒黃鶴樓一趺趺翻鸚鵡洲有意氣
時添意氣不風流處也風流應庵華云一出沒一
往一來猛虎口裏吞餐毒蛇頭上揩痒要且未稱太丈
夫事在二老名誼宇宙價重當時光孝今日豈可謹密
三寸二俱放過爲他弄假像其二俱不放過爲他槓槓
太甚是汝諸人若作佛法商量達磨一宗掃土而盡
上方蓋頌云蘭若供養不尋常兩度遭供趺飯牀總似
這般無惜漢將何因果利存亡海印信云要識真金
須入火鼎三煅煉見精龜上行買賣不饒讓好物從來
價自殊野軒連云相逢一睹一龜生齋主渾家喪膽
驚誰識二尊龍象駕毗盧頂上等閑行
瀉山祐禪師一日見劉鐵磨來師云老特牛汝來也磨云

來日瑩山大會齋和尚還去。磨師乃放身作卧勢磨便出
去。

保寧夢代磨云請和尚來日早起。水庵一云衆中道
放身便卧是不去。劉鐵磨遂憊懼而行有甚交涉殊不
知。鴻山老漢平生一條鐵脊梁拗不曲被劉鐵磨一推
推倒直至而今起不得若要扶起鴻山請大衆下一轉
語衆無對師以拄杖一時趕散。

雪竇顯頌云曾騎鐵馬入重城勅下傳聞六國清猶握
金鞭問歸客夜深誰共御街行。天童覺云百戰功成
老太平優游誰肯苦爭衡土鞭金馬閑終日明月清風
富一生。無盡居士云老特牛來到此間明朝大會去
瑩山白雲一曲知音少樵唱漁歌自往還。

井執行者因入南泉設粥仍請南泉念誦泉乃白搥云爲
狸奴白牯念摩訶般若波羅蜜多者拂袖便去泉粥後問
典座行者在甚處座云當時便去也泉云打破鍋子著云
泉乃擊鉢三下。

汾陽昭頌云一般設粥古今稀十利功圓果不低鍋鏊
盡穿無煮粒叢林遠近總應知。慈明圓云廿贊設粥
詣南泉請師念誦衆僧前狸奴典座言歸去當時鍋鏊
一時穿。雪峰預云異路相逢句已酬閑吹羌笛向汀
洲漁人貪顧沙頭鷺不覺扁舟逐浪流。無盡居士云
財施無窮法施多爲他狸牯念摩訶無端廿贊低頭拜
撩發南泉打破鍋。湛堂準云高吟大笑性猖狂潘閻
騎驢出故鄉驚起暮天沙上鴈海門斜去兩三行。徑

山泉云南泉打破閑家具浩浩諸方作話看今日爲君
重舉過明明歷歷不顛預

德山鑒禪師因三聖來參師云不用展炊單這裏無殘羹
餽飯聖云設有向甚麼處若師便打聖接住棒推放床上
師撫掌一下聖將坐具蓋却頭哭蒼天出去或作

琅琊覺云衆中商量極有云云不見道若無羣布作爭
得見韓光 圓悟勅云二俱勝捷蓋各各善奪鼓攪旗
二俱失利彼此傷鋒犯手大似把手上高山未免傍觀
者哂敢問大衆誰是傍觀者 古德云殘羹餽飯無處
安著摸手梃曾劈頭蓋却雨箇無孔鐵鎚一樣無繩自
縛

鼓山末頌云南北山相對東西有路分不經場陣者爭

見李將軍

太原隱禪師僧問數家檀越請未審赴誰家師云月應千
江水門門盡有僧

丹霞淳頌云妙圓無相却前人隨類權分百億身月夜
御樓纔報曉正明云國盡知春

雲門偃禪師僧問如何是塵塵三昧師云鉢裏飯桶裏水
雪竇顯頌云鉢裏飯桶裏水多口阿師難下甬北斗南
星位不殊白浪滔天平地起擬不擬止不止箇箇無親
長者子 白雲端云朝打三千末爲多暮打八百末爲
少鉢裏飯勺桶裡水人前切忌無分曉 天童覺云塵
塵三昧彼彼不外千峯向嶽百川赴海更無一法不如
來只箇堂堂觀自在

朱子學問之旨

鋪張

元來却是饅頭

五祖演云雲門好則甚好竒則甚竒要且只說得老婆
禪若是白雲即不然作麼生是問聲悟道見色明心遂
作打杖鼓勢云珊八囉札ミツシツ松源岳云冷父有條活路
要與諸人共行拈拄杖云穿入諸人鼻孔裏燈籠露柱
直得眼睛突出卓拄杖一下
上方並頌云買得欣欣急走歸不知放手却成非直饒
超過毗盧頂也落韶陽第二機慈受深云小院春風
特地寒佳人寂寞倚欄干斷腸曲調無人聽更把琵琶
月下彈南堂靜云桃花枝上一鶯啼淥水溪邊路不
迷聞見分明非耳自休將情解論曹溪鼓山珪云南
無觀世音菩薩補陀巖上紅蓮舌不知成佛是何時打

飲

刀須是并州鐵 經山果云見色明心事已差聞聲悟
道更交加 觀音妙智慈悲力 荆棘林生優鉢花

雲門因僧問如何是超佛越祖之談師云餠餅

五祖演云白雲即不然忽有人問如何是超佛越祖之
談只向伊道驢屎似馬糞又云破草鞋又云靈龜曳尾
且道是同是別試辨者

雪竇顯頌云超談禪客問偏多 縫罽披離見也麼胡餅

望來猶不住 至今天下有諸訛 雲居祐云韶陽胡餅

答禪人佛祖之談道最親不落言詮休擬議回頭識取

自家珍 文殊道云堪悲堪笑老韶陽餠餅拈來擬鼻

香端的若知滋味者不勝蒲面負慚惶 道場如云駕

小空欲上九層霄脚下紅絲繫轉半轡是龍泉未出匣且

勝
二
三

施一割用鋤刀 佛燈珣云雲門餠餅對超談多少禪
人看不穿若是孔門真弟子自然知道化三千

五味

馬祖一禪師始在徒日大慧遣一僧去伺陞堂乃出問作
麼生者伊道甚言句記將來僧去一如所教廻云馬大師
道自從胡亂後三十年不曾少鹽醬大慧然之

徑山杲云雲門即不然後夜夢不祥書門大吉又頌云見
得分明識得親舉來猶自涉途程直饒不犯毫芒者也
是拈飽飽指人 鼓山珪頌云胡亂三十年不少鹽與

醬江內為大師南嶽讓和尚

雲巖晟禪師初參藥山山問甚麼處來師云百丈來山云
百丈有何言句師云有時云一句子百味具足山云鹹即

鹹味淡即淡味不鹹不淡是常味作麼生是百味具足底
句師無對山云爭奈目前生死問師云目前無生死山云
二十年在百丈俗氣也不除又問海兄更說甚麼法師云
有時道三句外省去六句外省取山云三千里外且喜沒
交涉山又問更說甚麼法師云有時上堂了大眾下堂次
復召大眾衆廻首乃云是甚麼山云何不早恁麼道師於
言下有省

投子青頌云行盡千峰路轉高肯歸方憶舊雲房貪尋
古調單于曲慳嗟胡家一韻長

巖頭豁禪師僧問浩浩塵中如何辨主師云銅砂羅裏蒲
盛油

佛印元頌云塵中辨主眼分明特地尋力更點睛堪笑

青溪雖瞑眩至今南北絕人行雲溪恭云銅砂羅裏

蒲盛油正是毘盧印後叔更有塵中辨得主太平將將

盡封侯海印信云礎潤大將雨雲開月正明漁翁閑

引釣牽動一潭星草堂清云銅砂羅裏油清淨照見

塵中舊主人寄語禪流猛參取莫教辜負此生身

曹山本寂禪師因僧清稅問清稅孤貧請師拯濟山喚稅

闍黎稅應諾師云青源白家三盞酒喫了猶道未沾唇

玄覺云甚麼處是與他酒喫雪竇顯別云稅闍黎應

諾是甚麼心行松源岳云稅闍黎拋鞋引玉不知摸

得箇擊子曹山雖來風深辨可惜不一等與他本分草

料免致今時向黑山下作活計

佛印元頌云清稅孤貧心太麤曹山攜手步身途白家

三盞沾唇酒醉後添盃不似無
地藏恩云青源白家
酒三盞未沾唇七十二棒且輕恕
一百五十難放君
南華曷云滿座黃金不肯親吁嗟
非自怨孤貧無端更
飲三盞酒醉後郎當笑殺人

茶湯

掛茶陶

拾遺

方選

新刊

七三

文殊大士與無著喫茶次乃拈起玻璃盞問無著云南方
還有這箇不著云無文殊云尋常將甚麼喫茶著無對
洞山代展手云有無且置借取這箇看得不 曹山代
云久承大士按劒爲甚麼處在一塵 長慶稜代云若
與麼癡客勸主人 琅琊覺云若也是去可謂虎口裏
奪食若也不是去移舟者水勢與棹別波瀾 保寧勇
代以手指口 口訣云元望云何謂而作十方論傳云看其如子語曰此

代以手指口

口訣

大望於何處

十
五

德經

卷之四

卷之六

汾陽昭頌云文殊大士托玻璃逐問南方有箇奇無著
忽言無這箇悞他多少老闍黎至今猶未知端的擡手
拈茶不用疑 佛印元云南方不可離須臾無著因何
却道無密語後來禪子道喫茶拈匙莫生疎 正覺逸
云自別南方涉路岐喫茶處用玻璃如何恰到清涼
手問著元來總不知 佛眼遠云青山門外白雲飛綠
水溪邊引客歸莫恁坐來頻勸酒自從別後見君稀
松山禪師因與龐居士喫茶次士舉起橐子云人人盡有
分因甚麼道不得師云祇爲人人盡有所以道不得士云
阿兄爲甚却道得師云不可無言也士云灼然灼然師便
喫茶士云阿兄喫茶何不揖客師云誰士云龐公師云何
須更揖後卅霞聞舉乃云若不是松山泊被箇老翁作亂

更揖後州霞

聞舉乃

天若不

是松山

泊被蘭

老翁作

圖

一上士聞乃令人傳語云何不取未舉起索時

佛鑑勸云譬如琴瑟笙篴雖有妙音若無妙指終不能發松山解吹無孔笛龐老解弄勿絃琴卅霞雖隨聲應拍須知拍拍是令衆中若有會底出來露箇消息也表衆中有人若無各自歸堂 塗毒策云辨衡鑑別端倪須是明眼龐公探竿影草似山不負來機雖然緇素分明爭奈傍觀不肯還如麼如人看畫虎暗地長威憚南堂靜頌云未提索子已前衲子難爲下梢識得這箇靈苗不向黃泉作鬼不作鬼何準擬一拳拳倒黃鶴樓一趂趂翻六海水

則首座因與龐居士摘茶次士問法界不容身師今還見我不師云不是老僧泊荅公話士云有問有荅蓋是尋常

師不對士云莫恠適來容易借問師亦不顧士喝云這無禮儀老漢待我一一舉似明眼人去在師乃拋下茶籃便歸

雪竇顯云則川只解把定封疆不能同生同死當時好與拈下幞頭誰敢喚作龐居士 佛鑑勸云兩回不管提籃便歸且道旨歸何處還會麼苦瓠連根苦甜瓜徹蒂甜則川老漢經事多矣 大滌智云諸仁者參須參到這般田地喚作千人隊裏喚不回頭萬刃叢中撼他不動始得穩坐也若不是則川被龐公引入荒草裏便見忘却摘茶事也 塗毒策云似海之深如山之固方能坐致太平龐老雖則搥鼓搥旗其柰則川理兵掉鬪祇如末後拋下茶籃便歸又作麼生太平基業分明在

辯
モ
ハ
ス

何必切切問別人

保寧勇頌云相逢相識謾相邀水碧深深隔斷橋無限
雪辭殊不聽急為門戶更徒勞

趙州諗禪師問新到曾到此間麼僧云曾到師云喫茶去

又問一僧僧云不曾到師亦云喫茶去後院主云和尚為

甚曾到也云喫茶去不曾到也云喫茶去師召院主主應

諾師云喫茶去

保福展云趙州慣得其便

鏡清休舉問僧作麼生會

僧便去清云耶耶學唐步

達觀頌云有條攀條無條

攀例乃高聲云喫茶去

雪竇顯云這僧不是邯鄲人

為甚學唐步若辨得出與汝茶喫

汾陽照頌云趙州有語喫茶去天下衲僧總到來不是

例
子
第
一
卷
第
一
章
第
一
節
第
一
段
第
一
句
第
一
字

石橋元底滑喚他多少衲僧回

黃龍南云趙州驗人

端的起等閑開口便知音觀面若無青白眼宗風爭得

到如今投子青云見僧便問曾到不有言曾到不曾

來留坐喫茶珍重去青煙暗換綠紋苔佛國白云此

間曾到不曾到人義人情去喫茶院主不知滋味好却

來爭看盞中花雲蓋智云趙州喫茶話自古及至今

易開終始口難保歲寒心佛眼遠云趙州一團茶驗

盡當行家一期雖似好爭免事如麻

鴻山結禪師因摘茶謂仰山云終日摘茶只聞子聲不見

子形仰撼茶樹一下師云子只得其用不得其體師云未

審和尚如何師良久仰云和尚只得其體不得其用師云

放子二十棒

雞心裏
宋上
卷
第
一
章
第
一
節
第
一
段
第
一
句
第
一
字

多破夢外
可謂金剛
佛心也
初學教引

首山念云夫為宗師須具擇法眼始得當時不是瀉山
便是扶離摸壁 琅琊覺云五更侵早起更有夜行人
又云若不是瀉山泊合打破蔡州 大鴻詰云陽春白
雪今古罕聞如今還有同聲相應同氣相求者麼良久
云唱彌高和彌寡 大鴻智云古人相見互換之機啐
啄同時體用雙行涉是渠非當時正令若全提方知盡
餅不充飢遂乃拈起拄杖云還會麼良久又云家醜不
可外揚父子體用全彰父子機猶可子奪父機無良
擊禪牀一下 天童覺云瀉山仰山父子叢林盡
道各得一橛殊不知天共白雲曉水和明月流
汾陽昭頌云摘茶更莫別思量處處分明是道場體用
共推真應物禪流頓覺兩前香 保寧勇云春暖相呼

出翠微時行時坐幾忘歸黃昏一陣東風雨未免渾身
透濕衣 佛印元云體用全彰用不難當時瀉仰自相
譏譎流若具金剛眼石換機鋒子細看 野軒蓮云龍
生龍子聞全威霹靂聲中掣電機雨過雲收何處去瀉
山千古獨巍巍 佛慧泉云體用俱非鳥飛兔走撼樹
默然大長地久二十拄杖令雖嚴也是憐兒不覺醜
佛鑑勸云張公作與李公友待罰李公一盞酒到被李
公罰一盞好手手中無好手

王延彬太尉因到招慶煎茶次時朗上座與明招把鉢忍
翻却茶鉢尉見乃問上座茶爐下是甚麼朗云捧爐神尉
云既是捧爐神為甚麼翻却茶朗云事官十日失在一朝
尉拂袖便去明招云朗上座喫却招慶飯了却向江外打

金剛心
金剛心

野樹朗云上座作麼生招云非人得其便

大鴻詰云王太尉大似相如奪壁怒髮衝冠明招也是
忍俊不禁難逢快便大鴻若做朗上座當時見問但呵
呵大笑何故見之不取十載難追 雪竇顯云當時但
踏倒茶爐又頌云來問若成風應撥非善巧可悲獨眼
龍曾未呈牙爪牙爪開生雲雷逆水之波經幾回
歷村禪師一日煎茶次僧問如何是祖師西來意師舉起
茶匙子僧云莫這箇便當不師擲向火中
投子青頌云煎茶未了人來問拈起茶匙呈似他當初
苦遇收燕手性命難存手奈何

蔬菜

丹霞然禪師訪龐居士門前見女子靈照去洗菜師問居

士在不照放下菜籃欽手而立師又問居士在不照提起
籃而去師便回居士從外歸靈照舉似居士士云丹霞在
不照云已去也居士云赤土塗牛姪

大鴻詰云大小丹霞被居士女子勘破山僧當時若作
丹霞但與呵呵大笑待他問長老笑箇甚麼却向道不
是冤家不聚頭 佛鑑歎云丹霞從苗辨地靈照因語
識人放下籃子當處發生提籃便行隨處滅盡居士赤
土塗牛姪堂裏敗揚州且道畢竟如何各自散去免
增話會 塗毒策云問在不在一等尋人放籃提籃風
流難掩最好丹霞便回去龐公猶自下金鈎還知這般
說話也無愁人莫向愁人說說向愁人愁殺人
上方菴頌云露頭露面使相酬慣出人前不怕羞自是

奴奴肌膚好不施紅粉也風流白面郎白面郎從來門
戶恰相當可憐赤土塗牛奴打瓦鑽龜亂度量妙高
臺主云丹霞一問女子歛手擬議之間烏飛鬼定何人
證明庵中野叟赤土塗牛不說子醜無礙居士云淡
薄衣裳取次挑放籃歛手自無良老龐猶更多愁在不
到奴奴泄漏香

趙州諗禪師僧問承聞和尚親見南泉是不師云鎮州出
大蘿蔔頭

汾陽昭頌云因問當初得法緣不言東土及西天鎮州
有菜名蘿蔔濟却飢瘡幾萬千雪竇顯云鎮州出大
蘿蔔天下衲僧取則只知自古自今爭辨鴿白烏黑賊
賊衲僧鼻孔曾拈得保寧勇云鎮州蘿蔔天然別滿

口明明說向人薄福聞提人不信一枚秤得二三斤
海印信云陶潛彭澤唯栽柳潘岳河陽只種花何似晚
來江上望數峰蒼翠屬漁家徑山杲云參見南泉王
老師鎮州蘿蔔更無私拈來塞斷是非口雪曲陽春非
楚詞

夾山會禪師在鴻山作典座鴻問今日喫甚菜師云二年
同一春鴻云如法修事著師云龍宿鳳巢鴻云作家

大鴻詰云夾山雖逞家風囊則囊矣善則未善慧光即
不然尋常茶飲隨家豐儉或有人問今日喫甚菜向
道不是茄子便是菰菜如法修事著五味不少且道夾
山是慧光是智海逸云諸方盡道典座盡善盡囊殊
不知弄巧成拙薦福不然今日喫甚菜自炒菠稊著

案
弼

達如法修事著目應諾諸禪德試辨者若也辨得非惟
此土舉世無雙任是香積門中還他第一
投子青烟云相逢借問衆僧麼莫比庵園香飯施紫氣
夜隨丹鳳轉金龍曉纏月中枝 正覺逸云變生爲熟
逐時新好是二年同一春龍宿鳳巢輕舊意調和味塞
口多人 大洪預云雨過龍庭苔蘚潤夜央金殿燭初
紅宮姬雅奏林平曲禁外虛勞視聽功
睦州蹤禪師僧問以一重去一重即不問不以一重去一
重持如何師云昨日栽茄子今朝種冬瓜
靈隱遠云問者善問不解答答者善答不解問山僧今
日向飢鷹爪下奪肉猛虎口裏橫身爲你諸人說箇樣
子登壇道士羽衣輕咒力雖窮法轉新拈指破開天地

暗蛇頭擲落鬼神驚

南巖牘頌云披蓑側笠千峯上引水澆蔬五老前中有
瓜田難納後睦州倒退在傍邊 咲庵悟云昨日栽茄
子今日種冬瓜一聲河滿子和月落誰家 自得暉云
重重去盡自平常春暖風和日漸長戶外鳥啼聲細碎
巖花狼籍滿山房
並化禪師因喫生菜次臨濟云這漢大似一頭驢師便作
驢鳴濟云直歲與他細抹草料師云少室人不識金陵又
再來臨濟一隻眼到處爲人開

趙州云何不與他本分草料
上方益頌云草裏相逢兩赤眉交鋒一陣疾如飛東西
旗號渾相似試問何人得勝歸 徑山杲云先師會裏

水
法
卷
二

呈真處臨濟堂前喫菜時連此三句露檢索咄這公堂

盤乞兒

大愚芝禪師示衆云大家相聚喫莖薑若喫作一莖薑入

地獄如箭射

應庵華云好語要且無來處有人辨得出與你一兩金
松源岳頌云殺活全機覲面提大家相聚喫莖薑後生
不省這箇意只管忙忙打野榧

禪林類聚卷第十八

禪林類聚卷第十九

田地

香燈

田地

草木

搬掃

花果

柴薪

黃蘗連禪師在百丈開田歸丈問連開田不易師云
墮衆作務丈云有煩道用師云爭敢辭勞丈云開得多少
田也師將鋤築地三下丈便唱師掩耳而去

琅琊覺云百丈一喝可謂垂絲於萬丈潭中黃蘗掩耳
獨聳於千峯之上大鴻喆云黃蘗開田功不浪施百

丈住持令不虛行禾山方云百丈止令風行草偃黃
檍開田水到渠成雖然與麼且道以鋤築地又作麼
生還會麼不是苦辛人不知松源岳云百丈一喝風

雲從嶽黃檗掩耳諸人自摸索者

佛眼遂頌云相見言談理不虧等閑轉面便相揮畢竟

百丈政樞師一日謂眾云汝等與我開田了我為汝說大

義僧開田了云請和尚說大義師乃展開兩手或作海

白雲端云百丈說大義只止於此當時再參馬祖底句

向甚處去也若言更有在未免與蛇畫足且道作麼生

得知百丈老人立地處乃云客來無茶點高湯備禮儀

大瀉詰云百丈說大義可謂今古罕聞光前絕後大瀉

即不然但向道開田努力請歸堂歇教他天下衲僧銚

鋒結舌何故鶴有九皋難辨翼馬無千里謾追風應

庵華云白雲要見百丈再參馬祖底道理直是好笑笑

須三十年又道作麼生得知百丈立地處也與笑三十

年客來無茶點高湯備禮儀也與笑三十年三笑而九

十年為從笑白雲批判未當為復別有道理汝諸人若

檢點得也歸宗拄杖子附手分付苟或未然幾度醉歸

明月夜聲歌引入書堂前

白雲端頌云常憐百丈解開田今古行人手裏傳誰道

舌頭曾不動五音六律太周旋佛眼遂云開田說大

義後人莫容易百丈總持門淡而還有味

長沙僧問如何轉得山河大地為自已去師云如何轉得

自已為山河大地去僧云不會師云湖南城裏好養民米

賤柴多是四隣

天童覺云雖然主賓互換要且泥水不分或然裂轉鼻

孔恁麼不恁麼總不得又合作麼生如今王令稍嚴不
許人攬行奪市 經山杲云轉山河大地歸自己則易
轉自己歸山河大地則難有人道得不難不易句却來
徑山手裏請棒喫 應庵華云將山隨分判斷大小長
沙勘這僧不破
保寧勇頌云塵刹平常露此身疑生情動見疎親湖南
城裏從來事米賤柴多足四隣
仰山寂禪師因過山問甚處來師云田中來過云田中有
多少人師插鋤叉手而立過云今日南山大有人刈茅師
拽鋤而去

玄沙云我若見即踏倒鋤子 鏡清因僧問插鋤意旨
如何清云狗齧救書諸侯辟道又問玄沙踏倒鋤意旨

清
シテ
シテ

如何清云不奈朕何打破肩斗又問南山刈茅如何清
云李靖三兄久經行陣 雪竇顯云諸方尊宿咸謂插
鋤話奇特也大似隨邪逐惡據雪竇見處仰山被過山
一問直得草繩自縛去死十分 翠巖芝云仰山只得
一撥諸人別有會處 過山杲云踏行客用還他本分
作家或放或收須是通人自照且道明甚麼邊事吸盡
西江水方明一點心
投子青頌云過山問處少知音拚地酬他佛祖沈踏倒
玄沙傍不肯免教蒼翠帶春深 保寧勇云淺種深耕
正及時入泥入水更同誰南山茅草多人刈獨是爺兒
兩箇知 佛心才云金鞭擊動蒼龍窟吐霧擎空出海
門溟渤吸乾天上去空餘雷電滿山川 佛眼遠云數

自分明舉即難納僧無不勝毛髮須知更有壺中路但
向須彌頂外看 天童覺云老覺情多念子孫而今慚
愧起家門是須記取南山語鏤骨銘肌共報恩

仰山夏末問訊鴻山山云子一夏不見上來在下面作何
所務師云某甲在下面鋤得一片畬下得一羅粟鴻云子
今夏不虛過師却問和尚今夏作得箇甚麼鴻云日中一
食夜後一寢師云和尚今夏亦不虛過道了乃吐舌鴻云
寂子何得自傷已命

大瀉詰云仰山眼照四天下到大圓面前却向淨地上
喫交大圓可謂養子之緣不免掛後人唇齒 佛眼遠
云大衆鴻山父子尋常相見游戲神通不同小小還有
知得底麼若無山僧與諸人說看開一片田密密綿綿

兩頓粥飯其道自辨山僧一夏與諸人相見自是諸人
不薦若或薦成一片看取雷門箭 天童覺云少當努
力老合歇心這一夏總不虛過爲甚麼仰山道了吐舌
若點檢得出禍不入慎家之門

洞山聰頌云仰山何得太傷義吐舌忙然又泄機最得
爲山言點責得伊從此媿知非 佛燈珣云一畝田兮
三碩穀齋時飯兮早晨粥一期父子話家風功名萬古
傳燈錄禪家流細觀時勿謂斯言語爲俗好似荆山白
石頭會有下和知是玉

臨濟玄禪師因赴普請鋤茶園次黃檗後至師問訊了按
鐲而立檗云莫是因耶師云纔鐲卽何言困檗拈拄杖便
打師接住推倒檗乃喚維那拽起我來維那拽起云和尚

爭容得這風顛漢。磔却與維那一掌。師遂鏹地云。諸方火葬我。這裏活埋。

鴻山問仰山黃檗與臨濟此時意作麼生。仰云。作賊人走却。邏賊人喫棒。鴻云。如是如是。大鴻詰云。黃檗倒地。維那扶起。火葬活埋。清風未已。

真淨文頌云。奪旗擣鼓著精神。父子雖親法不親。爲報四方禪客道。等閑莫作守株人。佛鑑歎云。百頭馬裏一頭驢。踢踏縱橫不奈何。今日風顛臨濟是。却令黃檗

打維那。

此本則系古本。考智及到二。合此。合此。

玄沙偈禪師云。若論此事。喻似一片田地。四至界分結契賣與諸人了。也只有中心樹子。猶屬老僧在。中心樹子云云。鼓山珪頌云。萬事由王老師樹子未屬你。在廣額屠兒

成佛。二祖太師債債。徑山杲云。祖父田園都賣了。四

邊界至不曾留。奈何。猶有中心樹子亂春風。卒未休。

地藏琛禪師一日挿田。次見新到僧。乃問。甚麼處來。云。南方來。師云。南方佛法如何。僧云。商量浩浩。地師云。爭似我這裏種田博飯喫。僧云。爭奈三界何。師云。喫甚麼作。三界僧無語。

大鴻詰云。清貧長樂。漏富多憂。

雲峯悅頌云。種田博飯。喫言中誰辨的。午後打齋鐘。真金曾失色。靈源清云。種田博飯。喫佛法要商量。言下

超三界。靈機發妙光。雲巖因云。種田博飯。有來田免見區區向外求。莫謂勞心便勞力。大都工拙要全收。

是古佛云。種田博飯待方來。玄妙商量一任猜。無影樹

頭懸日月幾人於此便心灰

石門徹禪師僧問實際理地如何進步師云鳥道無前僧進語云幽谷白雲藏白雀擬心棲處隔山迷

石門驟別云棲心不住棲心如物外縱橫任法閑

西禪需頌云幽谷白雲藏白雀擬心棲處隔山迷直饒

不住棲心處猶落恰山第二機

草木

竹附

正法之草木則了可見

南陽忠國師問紫璘供奉甚契來奉云城南來師云城南

草作何色奉云作黃色師乃問童子城南草作何色子云

作黃色師云祇這童子亦可簾前賜紫對御談玄

大鴻詰云國師與麼問供奉與童子與麼答且道還有

利害麼若也辨得許你親見國師若也未會城南草依

前黃色

月堂昌頌云慣使渡頭船如今不記年受他風浪惡方

是趁龜錢

藥山儼禪師一日與道吾雲巖高沙彌遊山見兩株樹一

榮一枯師乃問榮者是枯者是吾云枯者是師云酌然一

切趣令教枯淡去師又問雲巖巖云榮者是師云酌然一

切趣令光明燦爛去復問沙彌彌云枯者從他枯榮者從

他榮師回顧道吾雲巖云是不是

五祖戒云夢中說夢兩重重

保寧勇頌云抹粉塗坯後裏頭盡由行主線牽抽鼓鼗

打破曲吹徹收拾大家歸去休佛慧泉云一枝榮一

枝枯中心綠葉更扶蘇黃鶯任解千般語免得傍人彈

子無海印信云落雲黃葉作金錢。癡騃啼兒見喜歡。
捉得獻娘俱道好。不知誰是晒傍觀。雲巖內云年老
心孤笑藥山團圓諸子坐忘。還從頭鑊問榮枯。事鼻孔
元來總一般。楚安方云藥山用處少。人扶堪笑雲巖
與直吾猶向榮枯生解會。豈知潘閣倒騎驢。
太滂安禪師示衆云。有句無句。如藤倚樹。踈山聞之。徑往
彼請問。值師沉壁。次便問。有句無句。如藤倚樹。豈不是和
尚道。師云。是山云。忽遇樹倒藤枯時。如何師放下泥盤。呵
呵大笑。歸方丈。踈山隨後云。某甲三千里賣却布單。特為
此因緣而來。和尚何得相弄。師云。待者討錢。還伊去。遂囑
云。向後有獨眼龍為汝點破。在山後到明招舉前話。招云。
太滂可謂頭正尾正。祇是不遇知音。山却問。樹倒藤枯時。

如何招云。更使滂山笑轉新。山因而有省。乃云。滂山元來
笑中有刀。遂遙禮悔過。一本

海印信頌云。樹倒藤枯伸一問。呵呵大笑有來由。羚羊
掛角無尋處。直至如今笑未休。文殊道云。樹倒藤枯
問。大滂呵呵大笑。顯全機。布單賣却。般纏了。秋夜寒來
說向誰。大洪預云。冷刃吹毛笑裏來。爍迦羅眼不容
栽。一月金龍曾舉爪。觸躡覺痛頂門開。枯木成云。江
邊閑把直鉤垂。也有金鱗上釣時。三跳若能乘羽化。免
教漁父皺雙眉。楚安方云。添得滂山笑轉新。當時覲
面已呈君。明招滿泚滂山句。無限風光付與人。徑山
杲云。若將此語定綱宗。辜負明招獨眼龍。笑裏忽分泥
水路。方知千里共同風。

香巖閑禪師垂語云如人上樹口嚼樹枝手不攀枝脚不踏樹樹下忽有人問祖師西來意不對則違他所問若對他又喪身失命當恁麼時作麼生即是時有虎頭上座出云上樹即不問未上樹請和尚道師呵呵大笑

雪竇顯云樹上道即易樹下道即難老僧上樹也致將

一問來翠巖芝云問者對者不免喪身失命如今納

僧作麼生天童覺云虎頭上座是箇惡賊用無義手

打不防家直饒本色作家往往做手脚不辨雪竇是別

機宜識休咎底漢到這裏亦祇得藏身露影還會香巖

做麤麼三千劍客今何在獨許莊周見太平

保寧勇頌云曲設多方老古錐那堪枝上更生枝好如

良馬窺鞭影逐塊且非獅子兒佛慧泉云呵呵大笑

○此本則上何下係如人上樹口嚼樹枝手不攀枝脚不踏樹樹下忽有人問祖師西來意不對則違他所問若對他又喪身失命當恁麼時作麼生即是時有虎頭上座出云上樹即不問未上樹請和尚道師呵呵大笑

沒針錐上樹何如未上時任使香巖多伎倆傍觀不免

為攢眉地藏恩云香巖垂語真堪賞口嚼樹枝懸樹

上此時不問祖師機且道渠儂底模樣上方益云徒

路轉身難東西盡是山行人不到處風定落花閑

門易云古聖悲心利後人口嚼枝上露全身直饒玄路

無消息未免家中喪一親

臨濟玄禪師在黃檗武叔松次黃檗云深山裏栽許多樹

作麼師云一與山門作境致二與後人作標榜道了將鋤

頭打地一下檗云雖然如是已喫吾二十棒了也師又打

地一下云噉噉檗云吾宗到汝大興於世

鴻山問仰山黃檗當時只囑臨濟一人別更有在仰云

有只是年代深遠不欲舉似和尚鴻山云雖然如是吾

要讀

野千喝

喝

也要知但舉看仰云一人指南吳越令行遇大風即止
大滙詰云臨濟與麼大似平地喫交雖然如是臨危不
變方稱丈夫黃檗云吾宗到汝大興於世也是憐兒不
覺醜應庵華云黃檗道雖然如是子已喫吾二十棒
了也養子之緣故當如是臨濟正令雖行可惜向鑊頭
邊其自活埋仰山見解未出常流豈止遇大風即止當
時何不道直得盡虚空界盡此話方始大行豈不是頭
正尾正蔣山今日將下面皮要與諸人相見去也驀拈
拄杖卓一下云驚群須是英靈漢敵勝還他獅子兒
翠巖真頌云帶礪山河盡土疆漢高殿下有張良千言
萬語無人會又逐流鶯過短牆

多福禪師僧問如何是多福一叢竹師云一莖兩莖斜云

石苑何人定分心多福一叢竹

學人不曾師云三莖四莖曲

黃龍新云斜即任斜曲即任曲喚甚麼作一叢竹松
源岳云三年一閨喝一喝

應庵華頌云一莖兩莖斜其意每如蛇三莖四莖曲無
疑入地獄言下若知非心空及第歸堪笑蔣山老無端
入荒草

雲門偈禪師僧問樹凋葉落時如何師云體露金風
黃龍新云大小雲門境上縛殺雲巖即不然樹凋葉落
時如何珊瑚枝枝撐著月雪堂行云太小此心向句
裏縛殺山僧恁麼道為復歷良為賤為復別有道理
泐潭清云若向言下取則句裏呈機要見雲門千山萬
水何故妙体本來無處所通身那更有來由教忠光

此乃... 何人... 何處... 何事... 何物... 何人... 何處... 何事... 何物...

云雲門騎賊馬趕賊隊奪賊鎗殺賊人知其殺不知其
活要知殺法莫隨言語大用現前超今越古松源岳
拈拄杖云雲門可謂騎賊馬趕賊奪賊刀殺賊只是諸
人不得恁麼會何也命若懸絲捉拄杖下座
泉大道頌云體露金風觸處周何須葉落始知秋清風
樓上當年車直至今笑未休雪竇顯云問既有宗
答亦攸同二句以辨一鏃遞空大野方涼颼颼長天
兮踈雨濛濛君不見少林久坐未歸客靜依熊耳一叢
叢佛性森云涼風落木楚山秋蒲樹寒蟬噪不休紅
蓼白蘋開兩岸不知誰在釣魚川白楊順云金風體
露復何言大道從來無變遷一葉飄空天似水臨川人
喚渡頭船佛鑑歌云樹凋葉落何時節體露金風九

月天滿目真如人不會一川風月正備然

花果

世尊昔在靈山會上拈花示眾是時眾皆默然唯迦葉尊
者破顏微笑世尊云吾有正法眼藏涅槃妙心實相無相
微妙法門不立文字教外別傳付囑摩訶大迦葉

白雲端云迦葉善觀風雲別氣色雖然如是還覺頂門
重麼黃龍心云直下穿過髑髏已是換却眼睛臨危
不在悚人向甚處見釋迦老子月庵果云太衆辨龍
蛇別休各須是佩毗盧印具頂門眼還知釋迦老子爲
人處麼大似見鬼放鷹看孔替楔不妨善其樞要福嚴
然則晚輩今日亦欲刻壘乃堅拂子云見麼見麼良久
云更深夜靜歸堂歇去

夢庵信云寥
寥風月卧煙霞白鳥從茲不獻花人義盡從貧處斷世
情偏向有錢家無端居士云花落花開白鳥悲庵前
物是主人非桃源咫尺無尋處一棹漁蓑寂寞歸天
童覺云花鳥不來空過春牛頭山上懶融人自心淨故
元無作放下許多閑苦辛

大梅常禪師因龐居士問久響大梅未審梅子熟也未師
云你向甚處下口士云百雜碎師云還我核子來

翠巖芝云此二人大似把手上高山

松源岳頌云大梅梅子熟龐老已先知正眼驗深要相
逢拍手歸

南泉願禪師因陸直大夫云禪法師也甚奇恠解道天地

同根萬物一體師指庭前牡丹花云大夫時人見此一株
花如夢相似

圓悟勤云陸直大夫手攀金鎖南泉八字打開直得七

珍八寶羅列目前乃緊起拂子云天地一指萬物一馬

通身是口分疎不下你寧勇代陸拍手云阿誰到這

箇田地徑山杲云這一則公安流布叢林近三百載

中間有無數善知識出此只是未嘗有一人與伊分明

判斷徑山今日與伊斷却若向地上看非似南泉謾他

陸直一點不得亦未摸著他脚下一莖毛在若向事上

看非但陸直謾他南泉一點不得亦未夢見他汗臭氣

在或有人出來道大小徑山說理說事即向他道但向

理事上會取瑞巖恭云大夫致箇問端不妨奇特被

南泉將一粒黑豆換却眼睛便見忘前失後
雪竇頌云見聞覺知非一一山河不在鏡中觀霜天
月落夜將半誰共澄潭照影寒上方益云一枝附枝
千萬枝金刀擬剪却雖披不難披有誰知自緣今日人
心別未必秋香一夜衰黃龍心云舉則易見還難彌
盧頂上天風寒峨峨直下蒼龍窟誰敢覲著死心新
云舉則易見還難同根天也又顓頊南泉指出花如夢
對此憑君子細看佛鑑數云南泉灘騰爲諸人笑指
庭前別是春不是守株閑待兔直須騎鶴上揚雲徑
山果云天地同根伸一問未曾擡步已忘家無陰陽處
花重發玉本無瑕似有瑕
鴻山祐禪師與仰山遊行次烏嚙一红柿落師前師將與

仰山仰接得以水洗了却與師師云子甚麼處得來仰云
此是和尚道德所感師云汝也不得空然即分一半與仰
山

玄沙云大小鴻山被仰山一坐至今起不得

古德頌云鴉嚙柿子落師前致獻何來事皎然各分一
半其如蜜如今不會是何年

睦州見僧來參師便喝云上座如何偷常住果子僧云某
甲方到因甚道偷果子師云賊物見在嚙

保寧勇代云這老賊

松源岳頌云傾盡寶山寶全身入荒草若是鳳凰兒不
向那邊討

靈雲勤禪師參鴻山見桃花悟道有頌云三十年来尋劍

客幾回業落又抽枝自從一見桃花後直至如今更不疑
舉似瀉山山云從緣得入永不退失汝等護持後玄沙聞
云諦當甚諦當敢保老兄猶未徹在

長慶因僧問玄沙意旨如何慶云將謂胡鬚赤更有赤
鬚胡保寧勇云且道靈雲見甚麼道理莫是悟得箇
萬法不生不滅無去無來空寂之理麼若與麼何曾悟
在只如玄沙與麼道爲復是肯他不肯他若道肯他玄
沙眼在甚麼處若道不肯他靈雲有甚麼過衆中商量
極多所以千聞不如一見保寧亦敢保諸人未徹在
南華密云靈雲悟處窮盡萬法根源玄沙稱提坐斷千
差要路一唱一酬一舒一卷大似把手上高山然雖如
是路逢劍客須呈劍不是詩人莫獻詩 長蘆心云靈

雲玄沙好一對無孔鐵鎚競生節目若是長蘆門下與
他一坑埋却何故能玉無瑕雕文喪德

首山念頌云分明歷世三十春因悟桃花色轉新人人
盡得靈雲意不識靈雲是何人 神鼎謔云傷嗟尋劍
客桃花遇春開靈雲一見處令我笑哈哈 慈明問云
二月桃花處處新靈雲一見更無親相逢盡道休官去
林下何曾見一人 雪竇顯云本無迷悟數如麻獨許
靈雲是作家借問徧參諸祖客不知何處見桃花 翠
巖真云子路當時問要津滔滔天下丈夫人相逢相見
若如此更有春風春又春 覺範洪云靈雲一見不再
見紅白枝枝不著花巨耐釣魚船上客却來平地擁魚
蝦 開福寧云百煉精金大冶中任他騰焰百天紅

天皇寬
一問
靈雲
悟處
窮盡
萬法
根源
玄沙
稱提
坐斷
千
差
要
路
一
唱
一
酬
一
舒
一
卷
大
似
把
手
上
高
山
然
雖
如
是
路
逢
劍
客
須
呈
劍
不
是
詩
人
莫
獻
詩
長
蘆
心
云
靈

更拈出教人看。添得行家價轉豐。

洞山价禪師因請泰首座喫果子。次乃問。有一物上挂天。

下挂地。果似漆。常在動用中。動用中收不得。你道過在甚

處。泰云。過在動用中。師便喝。乃令掇却果卓。

五祖戒別首座云。朝來更獻楚王看。琅琊覺云。若不

是洞山老人。焉能辨得。雖然如是。洞山猶少一著在。

大滌詰云。還知洞山落處麼。君也。不知。往往作是非得。

失會去。山僧道。這果子莫道泰首座不得喫。設使盡大

地人來。亦不得正眼觀著。雲蓋本云。洞山雖有打破

虚空底針錐。且無補綴底針線。待伊道過。在動用中。但

道請首座喫果子。泰首座若是箇漢。喫了也須吐出。

開善謙云。洞山倚勢欺人。真如隨風倒。施忽有人問山

東坡先生云。吾合而用之。

僧道過在甚麼處。詰果子。便喫。何故。下坡不走。快便難

逢。黃龍忠云。垂絲千尺。志在深潭。泰首座久戰沙場。

功名不就。過山當時。若見洞山問了。便揖云。請喫果子。

直饒洞山有懸河之辯也。須教伊結舌。南堂靜云。洞

山老坐籌帷幄。決勝千里。泰首座通身是口。有理難伸

疎。山仁禪師因靈泉問。枯木生花。始與他合。是這邊句。是

那邊句。師云。亦是這邊句。泉云。如何是那邊句。師云。石牛

吐出三春霧。靈雀不棲無影林。

卅霞淳頌云。倉海無風。波浪平。煙收水色。虛舍月寒光。

一帶空何窮。誰辨箇中龍退骨。

風元僧問。語默涉離微。如何通不犯。師云。常憶江南三月

裏。鵬鵠啼。麝百花香。

微

雪寶顯云曾有人問我對他道劈腹剜心又且如何復

云因風吹火別是一家傷斃怨龜必應有主大馮秀

云江南佳景誠合如之千載觀光添人性懋懋成不爾

來年更有新條在惱亂春風卒未休天童覺云露髯

髯圓陀陀直是無稜縫且道風元無稜縫何似雪寶無

稜縫還會麼和光惹事割蕉成家

海印信頌云鸛鵲啼處百花香拊掌呵呵笑一場因憶

舊年遊歷處送人雲塢入斜陽寶峯明云鸛鵲啼處

百花鮮紅國從來路坦然爲報途中夫歸客謝家人不

在漁舫鼓山珪云快騎駿馬上高樓南北東西得自

由最好腰纏十萬貫更來乘鶴上揚州徑山杲云忽

爾出門先見路纔方下脚便登舫神僊秘訣直堪惜父

子雖親不可傳

智門祚禪師僧問蓮華未出水時如何師云蓮華未出水

後如何師云荷葉

天童覺云龜龜無卦兆空殼不勞鑽

雪寶顯頌云蓮花荷葉報君知出水何如未出時江北

江南問王老一狐疑白雲端云蓮華荷葉

有由哉泥水分時絕點埃堪憶九龍初沐處東西一步

一枝開無盡居士云蓮華荷葉共河中華葉年年綠

間紅春水連漪清徹底一聲啼鳥五更風佛鑑勸云

香苞冷透波心月綠葉輕搖水面風出未出時君看取

都盧只在一池中慈受深云兩餘檻外差差碧風撼

池中柄柄香多謝浣沙人不折雨中留得蓋鴛鴦

高麗
人
雪
詩
新

淨衆信師僧問蓮花未出水時如何師云菡萏蒲池流
云出水後如何師云葉落不知秋

天童覺云李陵持漢節潘閭倒騎驢

丹霞淳頌云白藕未萌非隱的紅花出水不當陽遊人
莫用傳消息自有清風迤遠香

雪竇顯禪師僧問山花開似錦澗水湛如藍學人分上爲
甚麼不會師云棺木裏睡眼云恁麼則從苗辨地因語識
人也師云三十棒且待別時

白雲端頌云一枝枯草強遮羞明鏡當軒燭盡幽滿面
慚惶移步去清光灼灼避無由

香燈

龍潭信禪師因德山侍立抵夜師云夜深子何不下去山

經
中

遂珍重掛簾而出見外黑却回云外面黑師乃點紙燭度
與山山擬接師便吹滅山忽大悟作禮師云子見箇甚麼
道理山云某甲從今以去不疑天下老和尚舌頭也師至
明日陞堂告衆云可中有箇漢牙如劍樹口似血盆一棒
打不回頭他時向孤峯頂上立吾道去在山遂取平目疏
鈔將一炬火提起云窮諸玄辯若一毫致於太虛竭世樞
機似一滴投於巨壑將疏鈔便燒却禮辭而去

白雲端頌云明暗相凌不足云絲毫有解未爲親紙燈
忽滅眼睛出打破大唐無一人保寧勇云一條瀑布
巖前落半夜金鳥掌上明大口開來添意氣與誰天下
共橫行上方益云一陣旋風霧靄開千峯突出碧崔
嵬驚猿怨鶴拋來久半夜山前喚得回大洪遂云明

經
中

妙法蓮華經
卷之四

真
三

暗相形事渺茫誰知腦後迸神光都來劃斷千差路南
北東西達本鄉 不寧璉云德嶠龍潭吟咏機斧針投
合契玄微孤峰盤結恹頭坐不顧青山雲自歸
雲巖巖禪師請問二十年在百丈巾銷為甚麼心燈不續
師云頭上寶華冠僧云頭上寶華冠意旨如何師云大唐
天子及冥王後僧舉問九峯虔禪師大唐天子及冥王意
旨如何虔云却憶洞上之言
丹霞淳頌云玉鞭高舉擊金門引出珊瑚價莫論迥古
輪王全意氣不彰寶印自然尊
香林遠禪師僧問如何是室內一盞燈師云三人證龜成
鼈或作大隨
投子青頌云六耳同謀事可成直言方表赤心入室中

此頌云三人證龜成鼈
此頌云六耳同謀事可成

燈燄誰來撥白髮童兒兩鬢新 西禪需云三人證龜
成鼈剛把大機漏泄木人嶺上歌歌石女眼中滴血汚
慈明圓禪師在衆時到芝和尚寮芝坐間開合子拈香燒
次師問作麼生燒芝便放爐中燒師云斷郎當漢又怎麼
去也

白雲端頌云千入萬人行一路幾箇移身不移步對面
拈香爐上燒斷郎當漢又怎麼

搬掃

打地禪師自江西領旨自晦其名凡學者致問惟以棒打
地而示之時謂之打地和尚一日被僧藏却棒然後問師
但張其口僧問其門人云只如和尚每有人問便打地意
旨如何門人即於竈底取柴一片擲在釜中

此頌云打地意旨如何
此頌云只如和尚每有人問便打地意旨如何

趙州諗禪師見僧掃地遂問與麼掃還得淨潔也無僧云
轉掃轉多師云豈無撥塵者僧云誰是撥塵者師顧視云
會麼僧云不會師云問取雲居去其僧後問雲居如何是
撥塵者居云這瞎漢

曹山本寂禪師問僧甚處去來僧云掃地來師云佛前掃
佛後掃僧云前後一時掃師云與我滴袈裟來

五祖戒出僧語云和尚是何心行

汾陽昭頌云器量方圓得見伊問君掃地是慈悲前後
一時俱掃却也是拈來第二機

柴薪

雲峯存禪師因普請次自負一束藤路逢一僧便拋下叉
手立僧擬取師便踏倒歸舉似長生云我今日踏得這僧

甚快生云和尚替這僧入涅槃堂始得師休去

法眼因有二僧各說道理請師斷師云汝兩僧一時入
涅槃堂玄覺云甚麼處是替那僧入涅槃堂處雪

實顯云走生大似東家人死西家助哀也好與一踏

白雲端云雪峯外面贏得五百家中失却一貫崇壽

稠云此一轉語却還老兄東禪齊云只如是生意作

廢生南堂靜云雪峯一踏別傳教外雪竇一踏千古

無對長生答對失錢遭罪若人點檢得出老僧只呵呵

大笑且道笑與踏是同是別良久云參

上方益頌云暗拋香餌在江濱果是金鱗釣得歸不是

絲綸收得疾幾乎輪與鷺鷥兒佛燈珣云偉哉雪老

法中英眉上藤薪觀面呈目前不薦當頭著和身一踏

倒囊傾會知擔重因柴束自然便重不便輕何山奉報
諸禪侶孩兒須是親生

與教壽禪師因在天台韶關師處一日搬柴墜落而悟乃
成一頌云撲落非他物縱橫不是塵山河及大地全露法
王身國師然之

法昌遇禪師因普請率木大眾放歇師云大眾作麼生是
時節因緣一僧乃發號聲師云只得入成僧云和尚尊意
如何師云拽

禪林類聚卷第十九

禪林類聚卷第二十

獅象

龍虎

牛鹿

猫犬

龜魚

鬼蛇

飛走

獅象

雲巖晟禪師因藥山問汝會弄獅子是不師云是山云
弄得幾出師云弄得六出山云我亦弄得師云和尚弄得
幾出山云我弄得一出師云一即六六即一師後到瀉山
瀉問承長老在藥山弄獅子是不師云是瀉云長弄得有
置時師云要弄即弄要置即置瀉云置時獅子在甚麼處
師云置也置也

法昌云好一場獅子只是弄得有頭無尾當時若見瀉

山道置時，獅子在此麼處，便與放出，踞地。金毛獅子直教過山，藏身無路。湛堂準云：藥山雲巖鈍置殺人，兩子父弄一箇獅子，也弄不出。若是準上座，只消獨自弄拽得來，拈頭作尾，拈尾作頭，轉兩箇金睛，攪幾鈎鐵爪，吼一聲，直令百里內猛獸潛蹤，滿空裏飛禽亂墜。準上座未弄獅子，請大眾高著眼，先看做一箇定場以拄杖擲下云：箇中消息子，能有幾人知？喝一喝。雪竇顯頌云：虎踞金毛獅子，旃檀林下青莎裏，置也置也，威自全。一出不出，眉超却非，擬擬知幾幾，星流不問三千里。天外風清哮吼時，為君吸盡西江水。吐仰山寂禪師因見雪獅子，乃指云：還有過得此色者麼？眾無對。

雲門云：當時好，便與推倒。雪竇顯云：雲門只解推倒，不解扶起。琅琊覺云：即今問汝，諸人推倒扶起相去多少。拄杖子，撈過眉毛鼻孔，呵呵大笑，便擲下拄杖。靈隱昌云：推倒也錯，扶起也錯。且道還有過此色者麼？天童覺頌云：一倒一起，雪庭獅子慎於犯，而懷仁勇於為。所見義清光照眼，似迷家明白轉身還，隨位袖僧家了無寄。同死同生何此何彼，暖信破梅兮春到，寒枝涼颼脫葉兮秋澄潦水。

龍虎

黃檗運禪師因百丈問：甚處去來？師云：太雄山下採菌子來。丈云：還見太蟲麼？師便作虎聲。丈拈斧作斫勢。師遂與丈一擲。丈吟吟而笑，便歸隱座。謂眾云：太雄山下有一太

八維四角
四隅合

圓悟勸云天無四壁地絕八維自得萬箭攢心千鎗著體也敵他這一機不得還委恁麼六六元來三十六破庵先頌云巖頭一撥虛空迸裂父子不傳神僊妙訣玄沙偈禪師與大龍普請往海坑斫柴見虎龍云前面是虎師云是汝阿虎龍歸院乃問通來山中見虎云是汝示審和尚尊意如何師云汝婆世界有四種重障若人透得許汝出陰界楊敬止四種障生死而外之四障以
東禪齊云上座古人見了道我身心如大地虛空如今人還透得麼 雪竇顯云要與人天為師前而端的是虎○又四種障煩惱障所知障業障障之四也
保寧勇頌云猛虎當途獨振威爪牙真箇利如錐可憐不覺亡身者碎骨拾來良可悲 佛慧泉云前虎後虎

蘇
如
心

蘇
如
心
四
十
二

急須看取凜烈威風生狸爪距今古樵人不回顧喪身失命知何數若回顧雄雄坐斷山前路 佛眼遠云宗師方便太慈悲是汝之言實古錐萬里神光騰頂後肯將生死嚇愚癡
明招謙禪師問僧虎生七子那箇無尾云第七箇無尾鼓山珪頌云無尾大蟲難傍近近前便是傷人命除非自解據虎頭自然頭正尾亦正 徑山杲云第七箇無尾沒尾巴食牛之氣已堪誇叢林排排爭唇吻幾箇行人得到家

大普通禪師僧問驪龍領下珠如何取得師乃拊掌睥視黃龍南禪師云鐘樓上念讚牀脚下種菜時如何黃蘗勝禪師云猛虎當路坐

鼓山珙頌云猛虎當路坐遊魚脚底過不學紫湖老便
打劉鐵磨徑山杲云直出直入當面不識更擬如何
著甚死急

白雲端云拈桐秋動葉先落日暮山房夜坐長
天曉起來回首見處處風光斷紙帳拈頌集有

目牛鹿

南泉僧問和尚百年後向甚麼處去師云作一頭水牯牛
去僧云某甲隨和尚去得不師云汝若來時取一枝草來
汾陽昭頌云類中難辨要分明戴角披毛卒未惺惺取
草來方定動頭頭物物自真靈佛惠泉云異類中行
得自由拽穿鼻孔卒難取草枝時得相逢處高卧深雲
任白頭佛印元云行履從來異類中不知頭角與誰

四萬四千四百三十三

同若啗水草來相見擺尾搖頭四野風

藥山晚參不點燈師云我有一句子待牯牛生兒即向你
道時有僧便出云牯牛生兒也祇是和尚不道師喚侍者
將燈來其僧便抽身入衆

洞山云這僧會即會只是不肯禮拜法燈欽云生底

是牯牛兒牯牛兒又代云雙生羣巖芝云我即不熟

牯牛生兒也不向你道何故如是若向你道何處更有

王老師崇覺空云藥山三寸甚密爭奈被這僧下一

粒巴豆直得心肝五藏一時吐出直饒討得火來也是

半夜大明

佛眼遠頌云牯牛生子頗相諳兩眼通紅色似藍把火
照來無覓處大家普請一時參

趙州諗禪師問南泉知有底人向其處趣去泉云向山前
檀越家作一頭水牯牛去師云謝師指示泉云昨夜三更
月到牕

雲峯悅云若不是南泉泊被打破蔡州佛鑑懃云若
教頻下淚東海也須枯徑山果云雲峯老人失却一
隻眼殊不知只因後語當下打破蔡州保寧勇頌云拽脫鼻頭何處是亂拋泥水恣縱橫日斜
倒坐騎歸去又見東山片月生寶峯祥云出宿金毛
奪父機同聲哮吼衆狐疑三更牕月如清晝誰敢重來
弄嶮巇鼓山珪云眼中見慣是尋常又不驚入又久
長留得寒牕夜來月三更依舊照茅堂徑山果云度
體裁衣量永打椎毫髮不差且看門外

馮山祐禪師示衆云老僧百年後向山下檀越家作一頭
水牯牛於左脇書五字云馮山僧某甲此時若喚作馮山
僧又是水牯牛喚作水牯牛又云馮山僧某甲且道喚作
甚麼即得仰山出禮拜而去

雲居膺云師無異號資福代作一圓相托起新羅

情代作此手相呈之又云同道者方知南塔湧云一

千五百人善知識只得一半芭蕉徹代當時作此

相呈之又云說也說了註也註了悟未好保寧勇云

一等是入泥入水淨眾岳云馮山雖是毒因而招惡

果灼然作一頭水牯牛去我當時若見便道這老牛向

甚處去管取一場懔懔大瀉智云瞎却天下衲僧眼

道吾真頌云水牯馮山直截機分明人類顯幽奇兩邊

語出分身處

第...

語出分身處。夜為投林。曉復飛。白雲端云。不道為山。不道牛。灼然何處。辨蹤由。絲毫蹉却。來時路。萬劫無由。得出頭。保寧勇云。改却形容。換却頭當。陽難隱。箇蹤由。驢名馬字。雖呼喚多少。傍觀滿面。蓋真如詰云。蹄角分明。觸處周不勞。管帶不勞。收但知。不犯他苗稼。水草隨緣得自由。佛心才云。翻手書空。字已成。忙忙人問。此頭明。箇原不逢漁父。千古誰人。為獨醒。海印信云。山下為牛。山上僧。何沙異號。未為能常愛。暮雲歸未。合遠山。無限碧肩肩。無盡居士云。野徑蹄罕。賺殺人。早曾耕遍。大田春。有時落草。無尋處。顯現為山老漢身。

黃檗運禪師一日與裴相國行。次見農夫耕田。泥深牛不

能行。農夫便打。裴惘然。惘之師云。毒打。裴云。大善。知誠何得。如泥。師云。兩隻脚兒耕不得。

水庵一頌云。運師裴州老婆心。不顧泥深與水深。痛棒毒打。行異類。從教皮下血。淋淋。

德山鑑禪師。僧問。如何是露地白牛。師云。咩咩。僧云。飲。何物。師云。喫。

洞山聰頌云。玉角霜毛露地牛。人間天上顯蹤由。不同雪嶺時時吼。肯若鴻山日日收。

神山客禪師與洞山行。次忽見白鹿。走過。師云。俊哉。洞云。作麼生。師云。大似白衣拜相。洞云。若老太大作。這箇說話。

師云。你作麼生。洞云。積代簪纓。暫時落薄。或作。天童覺頌云。抗力霜雪。平步雲霄。下惠黜國。相如過橋。

蕭曹謀畧能成漢業許身心欲避禿龍等若驚深自信
真情參跡混源熊

投子同禪師僧問如何是露地白牛師云叱叱云飲噉何
物師云喫喫

乾明惠覺頌云露地白牛起問端隨機叱叱齒牙寒不
知飲噉是何物喫喫直教滄海乾

涌泉欣禪師因唐武宗廢教在院看牛時有驢德二禪客
到於路次見師騎牛不識乃云蹄角甚分明爭奈騎者不
識師驟牛而去二禪客相次憩於樹下煎茶師却回下牛
近前問訊與坐喫茶師乃問二禪客近離甚近云那邊師
云那邊事作麼生禪客提起茶盞師云此猶是這邊那邊
事作麼生二人無對師云草道騎牛者不識好

丹霞淳頌云芳草萋萋生綠草牧童白牯恣優遊異中
有路人難見却謂騎牛不識牛

風穴沼禪師僧問塵塵成羣如何射得塵中主師云釣舫
載到瀟湘岸氣咽無家問白鷗

投子青頌云禁殿重闌視聽危側思偏立絳綸垂漢鄉
雲斷汀洲迥嶺暮猿啼孤月隨

石門徹禪師僧問雲光林牛意旨如何師云陋巷不騎金
色馬迴途却著礙欄衫

丹霞淳頌云瑞草叢中懶欲眠徐行處處迥條然披毛
戴角人難識爲報莊童不用鞭

猶大

南泉願禪師因兩堂首座爭貓兒師乃提起云大衆道得

即救取道不得即斬却也衆無對師遂斬之至晚趙州從外歸師舉似州州乃脫履安頭上而出師云子若在即救得猫兒

保福展云雖然如是也即是破草鞋 翠巖芝云大小

趙州我自救 保寧勇代但引頸向南泉面前

汾陽昭頌云兩堂上座未開言猫兒各住我須爭一刀

兩段南泉手草鞋留著後人行 雪竇顯云兩堂俱是

杜禪和撥動煙塵不奈何賴得南泉能舉令一刀兩段

任偏頗又云公案圓來問趙州長安城裏任閑遊草鞋

頭戴無人會歸到家山即便休 羅漢南云作者縱橫

斬萬機趙州頭戴草鞋時當臺寶鑑無私燭雖匣金刀

豈亂揮 圓通僊云狼煙起處看兵機不是將軍孰辨

五
三
二
一

頌
語
集
卷
之
一

杜
禪
和
撥
動
煙
塵
不
奈
何
賴
得
南
泉
能
舉
令
一
刀
兩
段

伊兩段一刀坎下今威風千古霸雄基 佛心才云伯牙之絃蠶膠可續調古風淳霜月可掬南泉南泉龍象繼躅 佛眼遠云安國安家不在兵魯連一箭亦多情三千劍客今何在獨許將軍建太平

趙州諗禪師僧問狗子還有佛性也無師云無云蠢動含靈皆有佛性狗子因甚麼無師云爲他有業識性在又下僧問師狗子還有佛性也無師云有云既有爲甚麼入這皮袋裏來師云知而故犯

寶
藏
經
卷
之
一

翠巖芝云說有說無兩彩一賽如今作麼生 五祖演云大衆你諸人作麼生會若僧尋常只舉無字便休你若透得這一箇字天下人不奈你何你諸人作麼生透還有透得徹底麼有則便出來道看我也不需要彌道有

也不要你道無也不要你道不有不無你作麼生道珍
重佛眼遠頌云有性無性而重而透得人作麼生春潮帶雨晚來急
真淨文頌云言有業識在誰云意不深海枯終見底人
死不知心圓通秀云少年學解昧宗途老倒依滯
有無古佛純金誰辨色惑為機智競躊躇普融平云
有無雙放復雙收趙老機關世莫傳試上海門高處望
千江萬派盡東流踈山如云狗子無佛性慈悲似海
深尋言逐句者埋沒丈夫心慈受深云趙州口裏有
雌黃句下誰人見短長堪笑幾多逐塊狗夜深無故吠
虛堂徑山杲云有問狗佛性趙州答曰無言下滅胡
族猶為不丈夫

紫湖蹤禪師門下立一牌牌上書云紫湖有狗上取人頭

中取人腰下取人脚擬議則喪身失命或新到纔柑看便
喝云看狗僧纔回首師便歸乃丈或有僧問如何是紫湖
狗師云嗥嗥

雪竇顯云眾中總道這僧著一口著則著了也爭奈這
僧在敢問諸人紫湖狗著者便死因甚麼這僧猶在若
無知方眼救得這僧設使紫湖出世齧煞白千萬箇有
甚益我當時若見先斫下牌然後入院待這老漢喝云
看狗與伊放出箇焦尾大蟲如今諸人要見麼日勢稍
晚歸堂

佛國白頌云紫湖狗子最威偉來者投明莫暗行向道
看時如不見當頭齧殺喪平生正覺逸云紫湖堂上
絕人行只為堂前狗子獐見影聞聲心膽懾當頭寧免

喪殘生 佛眼遠云老大宗師沒巴鼻養狗之緣大兒
戲奪牌禪客如到來鉛刀爭及吹毛利

曹山本寂禪師僧問世間甚麼物最貴師云死貓兒最貴
云爲甚麼死貓兒却貴師云無人著價

天童覺云曹山物貨不入行市仔細看來直是一錢不
直曹山遇賤則貴我這裏遇貴則賤且道還有相違處
麼

丹霞淳頌云腥臊紅爛不堪親觸動輕輕血污身何事
杳無人著價爲伊非是世間珍

龜魚

大隋真禪師因庵畔有一龜僧指其龜問一切衆生皮裏
骨這箇衆生爲甚麼裏皮師拈草鞋覆龜背上

白雲端頌云分明皮上骨團團卦畫重重更可觀拈起
草鞋都蓋了大隋却被這僧謾 保寧勇云露足藏頭

可笑奇千年誰謂是靈龜兩傾不解隨流去浮木相逢
又幾時 曼古佛云懶安的子大隋師一著當頭更莫

疑大地山河都蓋了從他納子下針錐 禾山方云千
古清聲老大隋機鋒壁立杳難窺未能直下超凡聖只

道將鞋蓋却龜 照覺總云皮骨曾將問大隋當頭一
著更狐疑可憐無限尋聲跡不滿羚羊掛角時

三聖然禪師問雪峯透網金鱗未審以何爲食峯云待汝
出網來却向汝道師云一千五百人善知識話頭也不識

峯云老僧住持事繁

保福展云事不足議有餘 雪竇顯云可惜放過好與

三十棒這棒一棒也饒不得直是竿遇作家 承天宗
云布縵天網須是雪峯深入虎元環他三聖衆中有般
漢商量道雪峯在網內三聖在網外苦哉苦哉深屈古
人若非此二負作家不能橫行天下 大鴻喆云三聖
可謂龍門萬仞慣曾作客雪峯大似孟嘗門啓豈懼高
賓

汾陽昭頌云透網之魚不識釣貪遊浪水認浮頭高懸
坐釣垂慈者回棹收綸却上舟 真淨文云老倒漁翁
坐釣臺金鱗赫赫鼓波來海門空閑鑊施網霹靂一轟
天地開 真如喆云透網金鱗掣電機休云帶水與拖
泥雷霆一擊青霄震傾湫何處不滂沱 王祖演云洞
裏無雲別有天桃花似錦柳如綿僊家不會論春夏石

爛松枯是一年

古德云是日已過命亦隨滅如少水魚斯有何樂

神鼎誣云古人恁麼道非有利益非無利益神鼎即不
然。是日已過命亦隨滅如少水魚有何不樂且道違古
人順古人試檢點看珍重

深明二上座因到淮河見人牽網有鯉魚透出明云深兄

俊哉一似箇衲僧深云雖然如此爭似當初不撞入網羅

好明云深兄你欠悟在深行三十里方省一本小異

虎丘隆云明上座釣頭有餌深譚老一釣便上虎丘當

時若見他道深兄你猶欠悟在只對道今日網得一箇

不獨寒斷明上座口且要千古之下免人恠笑山僧亦

有箇縵大網子遂舉起拂子云還見麼山僧喚作拂子

了也諸人且喚作甚麼若喚作拂子未出山僧網子在
若不喚作拂子行脚眼在其麼處是汝諸人還見虎立
爲人處麼二汲浪高轟霹靂一聲透過禹龍門
鼓山珪頌云網中跳出使飛騰好箇大然俊衲僧何似
當初未入網悟來方始是知音 徑山杲云俊哉一躍
透重淵霹靂追之去不還却笑龍門燒尾者依前點額
在波瀾

歸宗寺五靈山

東蛇

歸宗常禪師因刻草次有座主來參偶見一蛇過師遂鋤
斷之主云又響歸宗元來是箇龜行沙門師云你龜我龜
主云如何是龜師豎起鋤頭主云如何是細師作斬蛇勢
主云與麼則依而行之師云依而行之且置你甚處見我

斬蛇主無對

雪峯問德山古人斬蛇意旨如何山便打峯便走山召
云布衲子峯回首山云他後悟去方知若漢猥底老婆
心雪竇頌云歸宗只解慎初不能護末德山頗能據
令且未明斬蛇乃云大衆看翠峰今日斬三五條以拄
杖一時打散 佛鑑勸云歸宗雖金籠籠中有細座主雖
細細中有龜要得龜細兩忘須會斬蛇意始得若會得
一任依而行之若未會各各照顧脚下擲拄杖下座
汾陽昭頌云盧嶽宗師接上機斬蛇特地施慈悲高茅
座主驚忙怕却道我心錯是非 海印信云大用縱橫
掣電機爍迦羅眼尚膠糈迷徒夢裏爭唇吻却憶隨他
去一隨 南華芻大千尋竿上翻筋斗大海波心擲釣

Copyright 2001, Kyoto University Library

鼃鼻死無用。風雲際會頭角生。果見韶陽下手弄。激電光中看變動。在我也能清。能呼於彼也有擒。有縱底事如今付阿誰。冷口傷人不知痛。

洞山度禪師傳問學人徑往時如何師云死蛇當大路勸
子莫當頭云當頭者如何師云喪子命根云不當頭者如
何師云亦無回避處云正恁麼時如何師云失却也云未
審向甚麼處去師云草深無覓處云和尚也須隄防始得
師拊掌云一等是毒氣

丹霞渾頌云長江澄徹印蟾花滿目清光未是家借問
漁舟何處去夜深依舊宿蘆花天童覺云三老暗轉
拖孤舟夜回頭蘆花兩岸雪煙水一江秋風力扶帆行
不棹笛聲喚月下滄洲

推ス持シ
 倉ハノミヤマニ
 下ノヤシ

飛走

世尊一日坐次見一人，鼻猪過，乃問：「這箇是甚麼？」云：「佛具一切智，猪子也不識。」世尊云：「也須問過。」

明安云不因世尊問洎乎忘却地藏恩云瞿曇老漢
也是無端大似節目上強生節目忽若被二人呵呵大
笑昇猪便行也是一場懣懣
木庵瓊首座頌云捨筏懷兼濟逢耕更問津却將未歸
意說與欲行人

百丈海禪師因侍馬祖行次忽見一群野鴨飛過祖云是甚麼師云野鴨子祖云甚處去也師云飛過去祖遂把師鼻擗師負痛失聲叫阿唧阿唧祖云又道飛過去元來只在這裏師直得浹背汗流因茲有省

汾陽昭頌云野鴨飛空却問僧要傳祖印付心燈應機
雖對無移動纔插綱宗道可增雪竇顯云野鴨子知
何許馬祖見來相共語話盡山雲海月情依然不會還
飛去欲飛去却把住道道佛眼遠云草裏尋常萬萬
千報云飛去豈徒然鼻頭是甚閉皮草十字縱橫一任
穿佛鑑數云馬師憫汝無知識借來野鴨通消息直
得鼻頭鮮血流費盡老婆多少力智海清云師資閑
向草中行野鴨飛鳴意忽生鼻孔插翻成底事新羅曰
午打三更楊巖經親王新羅進半日臥眠
中邑恩禪師因仰山問如何得見性去師云譬如一室有
六牕內有一猢猻外有猢猻從東邊喚猩猩猢猻即應如
是六牕俱喚俱應仰山禮謝起云適蒙和尚譬喻無不了

知更有一事只如內獼猴瞋睡外獼猴欲相見如何師下
繩牀執仰山手作舞云猩猩與汝相見了譬如蠅螟蟲在
蚊子眼睫上作窠向十字街頭叫喚云土曠人稀相逢者
少依傳燈錄入

雲居錫云中邑當時不得仰山這一句語何處有中邑也。崇壽稠云還有入定得此道理麼。若定不得只是箇弄精魂。脚手佛性義在甚麼處。玄覺云若不是仰山爭得見中邑。且道甚麼處是仰山得見中邑處。佛鑑勲云仰山放憨中邑賣峭峭措賣來。敢癡癡放來。峭措雖然。猕猴睡著。其奈肚裏惺惺。直饒杜絕六脰。猩猩何處不見。諸人要見二老。諸說麼。各各面皮厚三寸。信相顯云諸人要見二老麼。我也與你說箇譬喻。中邑

大以箇金師仰山將一塊金來使金師酬價金師亦盡
價相酬臨成交易賣金底更與貼秤金師雖然聞喜心
中未免偷疑何故若非細作定是賊賊ハナカハ
南堂靜頌云仰山撥草瞻風中邑拖泥帶水獼猴獨任
室中俯仰低頭側耳六牕齊喚齊應仰山頓悟作禮禮
拜狐疑未盡猶恐獼猴打睡中邑把定猩猩相見是我
是你天童覺云凍眠雪屋歲摧頰竊窺羅門夜不開
寒槁園林看變態春風吹起律箇灰ハナカハ
雪峯存禪師一日見獼猴乃指云這獼猴各各佩一面古
鏡三聖問云歷劫無名何以彰爲古鏡師云瑕生也聖云
一千五百人善知識話頭也不識師云老僧住持事繁
雪竇顯云好與二十棒一棒也少不得直是罕遇其人

這棒放過也好免見將錯就錯。五童第二云當時若見雪峯道瑕生也。但近前云諾諾且消何故如此爭之不足讓之有餘。

保寧勇頌云堪笑山翁不識羞爲他頭上更安頭巖前
跌躑無尋軌一片殘霞曉未收祖印明云大地爲爐
冶何年鼓鑄功圓同諸佛而高鑑十方空白楊順云
鑑覺未萌全體現纖分鑑照便成瑕要知瑩徹圓明處
長短青黃總不差

龍牙遁。陣師僧問二鼠侵藤時如何。師云須有隱身處。始得云如何。是隱身處。師云還見儂家麼。

丹霞淳頌云。寒月依依上遠峰。平湖萬頃練光封。漁歌驚起汀洲鷺。飛出蘆花不見蹤。

夢山巖山ト云
山ノ南ト云
送山ノ下ト云

洛浦安禪師僧問一毫吞盡巨海於中更復何言師云家
有白澤之圖必無如是之怪

保福展別云家無白澤之圖必無如是之怪

丹霞淳頌云巖前雖有雲千頃戶內殊無半夜燈極目

危巖今古秀暮天斜照碧層層

保壽沼禪師問僧甚麼處來云西山來師云見獼猴麼云

見師云作甚麼伎倆云見某甲一箇伎倆也作不得師乃

打之

古德頌云舊人相見話中心借問西山路境深對衆直

言呈伎倆紅爐煅煉要真金

玄沙備禪師因參次聞鶯子聲乃云深談實相善說法要

便下座尋後有僧請益云某甲不會師云去無人信汝

東林顏名大衆云玄沙恁麼道不是苦心人不知

古德頌云紫鷲飛來遶畫梁深談實相響琅琅千言萬

語無人會又逐流鶯過短牆

雲門問僧江西湖南還聞長嘴鳥說禪麼僧云不聞師拈

拄杖云禪

古德云鴉鳴鴉鵲鳴天然自會不從人學跛脚阿師

放過一著拈起拄杖口邊吹噓噓猶勝鷓鴣啼二月提

壺沾美酒杜鵑相勉不如歸

投子溫禪師與僧將山次僧見蟬殼遂問殼在這裏蟬向

甚麼處去師拈蟬殼就其耳畔搖三五下作蟬鳴聲其僧

有省或作同

南堂靜頌云輕薄寒蟬殼枯乾敗葉形拈來臨耳畔連

或妙作金印本
二妙翅提或
作提之鳥一
翅
丁卯年

邊
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

スミシロ
檀子
トシヤ

泊山雪、山家、茶、茶、茶、茶

東西小輪ヲ終ル

正偏兼到路不萌枝上辨春秋

言重：計花少可也。校量六尺又入

何指示師云蝦蟇趕鷓子云全因此問師云老鼠弄猴孫

天衣懷禪師示衆云鴈過長空影沈寒水鴈無遺蹤之意

水無沈影之心。若能如是方解向異類中行。不用續鳧截。

鶴夷獄盈壑放行也百醜千拙來也孿孿拳拳用之則

敢與君主鬪富不用都來不直半分錢參

1

古德頌云寒鴻高貼冷雲飛影落寒江不自知江水無

情鴈無意行於異類亦如斯

正堂辯禪師室中問僧蚯蚓爲甚麼化爲百合乃自頌云

住山身已老世事任耽張年來無侍者客到自燒香
隱靜峯頌云客舍并州已十霜歸心日夜憶咸陽無端
更渡桑乾水却望并州是故鄉

檀林類聚卷第二十

於洛陽高臺寺

參來之徒拔由之誤多々

于時慶長十八癸卯菊月吉辰



